

史

記

一  
四

0445145

9(51)

N582



國立臺灣大學圖書館典藏  
由國家圖書館數位化。

**445145**

昭和17.7.21

陳杞世家第六

史記三十六

陳胡公滿者虞帝舜之後也昔舜為庶人時堯

妻之二女居于媯汭其後因為氏姓媯氏舜

已崩傳禹天下而舜子商均為封國索隱曰按商均所封虞即

今之梁國夏后之時或失或續索隱曰按夏代猶至于

周武王克殷紂乃復求舜後索隱曰按左傳虞遏父為周陶正以服事武王

杜注遏父舜之後陶正官名是生滿者也得媯滿封之於陳索隱曰左傳曰武王以元女太

姬配虞胡公而封之陳以備三恪以奉帝舜祀是為胡公胡公卒子

申公犀侯立申公卒弟相公臯羊立相公卒立

申公子突是為孝公孝公卒子慎公圍戎立慎

公當周厲王時慎公卒子幽公寧立幽公十二年周厲王奔于彘二十三年幽公卒子釐公孝立釐公六年周宣王即位三十六年釐公卒子武公靈立武公十五年卒子夷公說立是歲周幽王即位夷公三年卒弟平公燮立正義曰燮先牒反平公七年周幽王爲犬戎所殺周東徙秦始列爲諸侯二十三年平公卒子文公圉立文公元年取蔡女生子佗正義曰徒何反十年文公卒長子栢公鮑立栢公二十三年魯隱公初立二十六年衛殺其君州吁三十三年魯弒其君隱公三十八年



正月甲戌己丑陳栢公鮑卒

索隱曰陳亂故再赴其日。正義曰甲戌己丑

凡十一栢公弟佗其母蔡女故蔡人爲佗殺五父

及栢公太子免而立佗

譙周曰春秋傳謂佗即五父也家與傳違。索隱曰譙周云卅

家與春秋傳違者按左傳栢公五年文公公子他殺栢公太子免而代立經六年蔡人殺陳他立栢公子躍爲厲公而左傳以厲公名躍他立未踰年故無謚又莊二十二年傳云陳厲公蔡出也故蔡人殺五父而立之則他與五父俱爲蔡人所殺其事不異是一人明矣史記旣以他爲厲公遂以躍爲利公尋厲利聲相近遂誤以他爲厲公五父爲別以是太史公錯耳而班固又以厲公爲栢公弟又誤也是爲厲公栢公病而亂作國人

分散故再赴

徐廣曰班氏云厲公躍者栢公之弟也

厲公二年生子敬

仲完周太史過陳陳厲公使以周易筮之卦得

觀之否

賈逵曰坤下巽上觀坤下乾上否觀爻在六四變而之否

是爲觀國之光

利用賓于主

杜預曰此周易觀卦六四爻辭也易之爲書六爻皆有變象又有互體聖人隨其義而論

之此其代陳有國乎不在此其異國

正義曰六四變內卦

爲中國外

非此其身在其子孫

正義曰內卦爲身外卦爲子孫變在外故知在

子孫

若在異國必姜姓

正義曰六四變此爻是辛未觀上體巽未爲羊巽爲女女乘羊

故爲姜姜齊姓故知在齊

姜姓太嶽之後

杜預曰姜姓之先爲堯四嶽也

物莫能

兩大陳衰此其昌乎

正義曰周敬王四十一年楚惠王殺陳僖公齊簡公周敬王三十九

年被田常殺之

厲公取蔡女蔡女與蔡人亂厲公數如蔡

淫七年厲公所殺相公太子免之三弟長曰躍

中曰林少曰杵曰共令蔡人誘厲公以好女與

蔡人共殺厲公

公羊傳曰淫于蔡蔡人殺之

而立躍是爲利公

利公者桓公子也利公立五月卒立中弟林是  
為莊公莊公七年卒少弟杵臼立是為宣公宣  
公三年楚武王卒楚始彊十七年周惠王娶陳  
女為后二十一年宣公後有嬖媚生子欵欲立  
之乃殺其太子禦寇禦寇素愛厲公子完完懼  
禍及己乃奔齊齊桓公欲使陳完為卿完曰羈  
旅之臣賈逵曰羈寄旅客也幸得免負擔君之惠也不敢當

高位桓公使為工正

正義曰周禮云冬官為考工主作器械

齊懿仲欲

妻陳敬仲卜之占曰是謂鳳皇皇于飛和鳴鏘鏘

杜預曰雄曰鳳雌曰皇雄雌俱飛相和而鳴鏘鏘然也猶敬仲夫妻有聲譽

有嬖之後將育

于姜

杜預曰媯陳姓姜齊姓

五世其昌並於正卿

服虔曰言完後五世與卿

並列八世之後莫之與京

賈逵曰京大也。正義曰杜預云敬八代孫田常之子襄子盤

也而杜以常爲八代者以相子無字生武子開與釐子乞皆相繼事齊故以常爲八代

三十七年齊

相公伐蔡蔡敗南侵楚至召陵還過陳陳大夫  
轅濤塗惡其過陳詐齊令出東道東道惡相公  
怒執陳轅濤塗是歲晉獻公殺其太子申生四  
十五年宣公卒子欵立是爲穆公穆公五年齊  
相公卒十六年晉文公敗楚師于城濮是歲穆  
公卒子共公朔立共公六年楚太子商臣弑其  
父成王代立是爲穆王十一年秦穆公卒十八

年共公卒子靈公平國立靈公

正義曰謚法云亂而不損曰靈

元年

楚莊王即位六年楚伐陳十年陳及楚平十四

年靈公與其大夫孔寧儀行父皆通於夏姬

正義

曰烈女傳云陳女夏姬者陳大夫夏徵舒之母衛叔之妻也三爲王后七爲夫人公侯爭之莫不迷惑失意杜預云夏姬

鄭穆公女陳大夫御叔之妻左傳云殺御叔殺靈侯戮夏南出孔儀喪陳國也衷其衣以戲於

朝左傳曰衷其衣服穀梁傳曰或衣其衣或中其孺

泄冶諫曰君臣淫亂民

何效焉靈公以告二子二子請殺泄冶公弗禁

遂殺泄冶

春秋曰陳殺其大夫泄冶

十五年靈公與二子飲於

夏氏公戲二子曰徵舒似汝二子曰亦似公

杜預

曰靈公即位十五年徵舒已爲卿年大無嫌是公子也蓋以夏姬淫放故謂其子多似以爲戲也徵舒怒

靈公罷酒出徵舒伏弩廐門射殺靈公

左傳曰公出自其廐

孔寧儀行父皆奔楚靈公太子午奔晉徵舒自立爲陳侯徵舒故陳大夫也夏姬御叔之妻舒之母也成公元年冬楚莊王爲夏徵舒殺靈公率諸侯伐陳謂陳曰無驚吾誅徵舒而已已誅徵舒因縣陳而有之羣臣畢賀申叔時使於齊來還獨不賀賈逵曰叔時楚大夫莊王問其故對曰鄙語有之牽牛徑人田田主奪之牛徑則有罪矣奪之牛不亦甚乎今王以徵舒爲賊弑君故徵兵諸侯以義伐之已而取之以利其地則後何以令

於天下是以不賀莊王曰善乃迎陳靈公太子

午於晉而立之復君陳如故是爲成公孔子讀

史記至楚復陳曰賢哉楚莊王輕千乘之國而

重一言索隱曰謂申叔時之語。正義曰家語云孔子讀史記至楚復陳喟然曰賢哉楚莊王輕千乘之國

而重一言之信非申叔時之忠弗能建其義非楚莊王之賢不能受其訓也二十八年楚莊

王卒二十九年陳倍楚盟三十年楚共王伐陳

是歲成公卒子哀公弱立楚以陳喪罷兵去哀

公三年楚圍陳復釋之二十八年楚公子圍弑

其君邲敖自立爲靈王三十四年初哀公娶鄭

長姬生悼太子師少姬生偃索隱曰昭八年經云陳侯之弟招殺陳世子偃

師左傳曰陳哀公元妃鄭姬生悼太子偃師今此云兩姬又分偃師為二人亦恐此非二嬖妾長妾

生留少妾生勝留有寵哀公哀公屬之其弟司

徒招哀公病三月招殺悼太子立留為太子哀

公怒欲誅招招發兵圍守哀公哀公自經殺徐廣

日二十五年時招卒立留為陳君四月陳使使赴楚楚靈

王聞陳亂乃殺陳使者索隱曰即司徒招又一名召使公子弃

疾發兵伐陳陳君留奔鄭九月楚圍陳十一月

滅陳使弃疾為陳公招之殺悼太子也太子之

子名吳出奔晉晉平公問太史趙曰陳遂亡乎

對曰陳顓頊之族服虔曰陳祖虞舜舜出顓頊故為顓頊之族陳氏得政



於齊乃卒云

賈逵曰物莫能兩盛

自幕至于瞽瞍無違命

賈逵

曰幕舜後虞思也至于瞽瞍無聞違天命以廢絕者鄭眾曰幕舜之先也駟案國語賈義爲長。索隱曰賈逵以幕爲虞思非也傳言自幕而至瞽瞍知幕在瞽瞍之前非虞思明矣。

舜重之以明德至於遂

杜預曰遂舜後蓋殷之興存舜之後而封遂言舜德乃至於遂也。索隱曰重音持用反杜預以謂舜有明德乃至遂有國義亦然也且文云自幕至瞽瞍無違命舜重之以明德是言舜有明德爲天子也乃云殷封遂代守之亦舜德也宋忠云虞思之後箕伯直柄中衰殷湯封遂於陳以爲舜後是也。

世世守之及胡公周賜

之姓

杜預曰胡公滿遂之後也事周武王賜姓曰媯封之陳

使祀虞帝且盛德之

後必百世祀虞之世未也其在齊乎楚靈王滅

陳五歲楚公子弃疾弑靈王代立是爲平王平

王初立欲得和諸侯乃求故陳悼太子師之子

吳立爲陳侯是爲惠公惠公元立探續哀公卒時

年而爲元空籍五歲矣

索隱曰惠公探取哀公死楚陳滅之後爲元年故今空經年籍

五歲矣一云籍借也爲借失國之後年爲五年

七年陳火十五年吳王僚使

公子光伐陳取胡沈而去

索隱曰系本云胡歸姓沈姬姓沈國在汝南平輿胡亦在

汝南二十八年吳王闔閭與子胥敗楚入郢是年

惠公卒子懷公柳立懷公元年吳破楚在郢召

陳侯陳侯欲往大夫曰吳新得意楚王雖亡與

陳有故不可倍懷公乃以疾謝吳四年吳復召

懷公懷公恐如吳吳怒其前不往留之因卒吳

陳乃立懷公之子越是爲湣公

索隱曰按左傳湣公名周是史官記不同

也  
湣公六年孔子適陳吳王夫差伐陳取三邑

而去十三年吳復來伐陳陳告急楚楚昭王來

救軍於城父吳師去是年楚昭王卒於城父時

孔子在陳

索隱曰按孔子以魯定公十四年適陳當湣公之六年上文說是此十三年孔子仍在陳九經

八年何其久也

十五年宋滅曹十六年吳王夫差伐齊敗

之艾陵使人召陳侯陳侯恐如吳楚伐陳二十

一年齊田常弑其君簡公二十三年楚之白公

勝殺令尹子西子綦襲惠王葉公攻敗白公白

公自殺二十四年楚惠王復國以兵北伐殺陳

湣公遂滅陳而有之是歲孔子卒

杞東樓公者夏后禹之後苗裔也

索隱曰杞國名也東樓公謚號

也不名者並史先失耳宋忠曰杞今陳留雍丘縣故地理志云雍丘縣故杞國周武王封禹後爲東樓公是也蓋周封杞而居雍丘至春秋時杞已遷東國故左氏隱四年傳云莒人伐杞取牟婁牟婁者東邑也僖十四年傳云杞遷緣陵地理志北海有營陵淳于公之縣臣瓚云即春秋緣陵淳于公所都之邑又州國名杞後改國號曰州而稱淳于公故春秋桓五年經云州公如曹傳曰淳于公如曹是也然杞後代又稱子者以微小又僻居東夷故襄二十九年經稱杞子來盟傳曰書曰子

毅時或封或絕周武王克殷紂求禹之

賤之也

後得東樓公封之於杞

宋忠曰杞今陳留雍丘縣也以奉夏后氏

杞東樓公生西樓公西樓公生題公題公生謀

娶公徐廣曰謀一作謨索隱曰娶子史反謀娶公當周厲王時謀娶

公生武公武公立四十七年卒子靖公立靖公

二十三年卒子共公立共公八年卒子德公立

徐廣曰世本曰惠公。索隱曰系本譙周並作惠公又云惠公生成公及桓公是此系家脫成公一代下云弟桓公姑容立非也且成公又見春秋經傳故左氏莊二十五年云杞成公娶魯女有婚姻之好至僖二十二年卒始赴而書左傳云成公也未同盟故不書各是杞有成公必當如譙周所說也。德公十八年卒弟桓公

姑容立

徐廣曰世本曰惠公立十八年桓公立十七年桓公十

七年卒子孝公匄立

索隱曰匄音蓋孝公十七年卒弟文

公益姑立文公十四年卒弟平公鬱立

索隱曰一作郁釐譙

周二云名鬱鬱來蓋鬱郁釐來聲相近遂不同也。

平公十八年卒子悼公成立

悼公十二年卒子隱公乞立七月隱公弟遂弒

隱公自立是為釐公釐公十九年卒子濬公維

立湣公十五年楚惠王滅陳十六年湣公弟闕

路弑湣公代立是爲哀公索隱曰闕音過哀公殺兄湣公而立謚哀譙周二云謚

也哀公立十年卒湣公子軟立徐廣曰軟一作速是爲出

公出公十二年卒子簡公春立立一年楚惠王

之四十四年滅杞杞後陳云三十四年杞小微

其事不足稱述舜之後周武王封之陳至楚惠

王滅之有世家言禹之後周武王封之杞楚惠

王滅之有世家言契之後爲殷殷有本紀言殷

破周封其後於宋齊湣王滅之有世家言后稷

之後爲周秦昭王滅之有本紀言臯陶之後或

封英六

索隱曰本或作蓼六皆通然蓼六皆咎繇之後據系本二國皆偃姓故春秋文五年傳云楚人滅六

臧文仲聞六與蓼滅曰臯陶庭堅不祀忽諸杜預云蓼與六皆咎繇後地理志云六安故國臯陶後偃姓爲楚所滅又僖十七年齊人徐人伐英氏杜預曰英六皆臯陶後國名是有英蓼英六實未能詳或者英改號蓼

楚穆王

滅之無譜伯夷之後至周武王復封於齊曰太

公望陳氏滅之有世家言伯翳之後至周平王

時封爲秦項羽滅之有本紀言

索隱曰秦祖伯翳解者以翳益則爲一人

今言十一人叙伯翳而又別言垂益則是一人也且按舜本紀叙十人無翳而有彭祖彭祖亦墳典不載未知太史公意如何恐多是誤然據秦本紀叙翳之功云佐舜馴調鳥獸與舜典命益作虞若予上下草木鳥獸文同則爲一人必矣今未詳其所以

垂益夔龍其後不知所封不見也右十一

人者皆唐虞之際名有功德臣也其五人之後

皆至帝王

索隱曰舜禹身為帝王其稷契及翳則後代皆為帝王也

餘乃為顯諸

侯滕薛騶夏殷周之間封也小不足齒列弗論

也

索隱曰滕不知本封蓋軒轅氏之子有滕姓是其祖也後周封文王子錯叔繡於滕故宋忠云今沛國公丘是滕國

也薛奚仲之後任姓蓋夏殷所封故春秋有滕侯薛侯邾曹姓之國陸終氏之子會人之後邾國今魯國騶縣是也然三

國微小春秋時亦預會盟蓋史缺無可叙列也又許太叔太岳之胤二邾曹姓之君並通好諸侯同盟大國不宜全沒其

事亦可叙其本末補許邾出家周武王時侯伯尚千餘人及幽厲

之後諸侯力攻相并江黃胡沈之屬不可勝數

索隱曰系本江黃二國並嬴姓又地理志江國在汝南安陽縣

故弗采著于傳上

太史公曰舜之德可謂至矣禪位於夏而後世

血食者歷三代及楚滅陳而田常得政於齊卒



爲建國百世不絕苗裔茲茲有土者不乏焉至  
禹於周則祀微甚不足數也楚惠王滅杞其後  
越王勾踐興

索隱述贊曰

盛德之祀

必及百世

舜禹餘烈

陳杞是繼

鳩滿受封

東樓纂世

闕路篡逆

夏姬淫嬖

二國衰微

或淪或替

前并後虜

皆云楚惠

勾踐勃興

田和吞噬

蟬聯血食

豈其苗裔

宜其苗裔

公孫仲與

如論定替

復

刺并長

盜賊之

王公

王公

王公

陳杞世家第六

史記三十六

陳杞世家

史貳卅肆伯玖拾陸字  
註貳卅壹伯壹拾捌字

衛康叔世家第七

史記三十七

衛康叔

索隱曰康畿內國名宋忠曰康叔從康徙封衛衛即殷墟定昌之地畿內之康不知所在也

名

封周武王同母少弟也其次尚有卅季卅季最

少武王已克殷紂復以殷餘民封紂子武庚祿

父比諸侯以奉其先祀勿絕為武庚未集

索隱曰集和也

恐其有賊心武王乃令其弟管叔蔡叔傅相武

庚祿父以和其民武王既崩成王少周公旦代

成王治當國管叔蔡叔疑周公乃與武庚祿父

作亂欲攻成周

索隱曰成周洛陽其時周公相成王營洛邑猶居西周鎬京管蔡欲搆難先攻

成周於是周公東居洛邑伐管蔡

周公旦以成王命興師伐殷殺武

庚祿父管叔放蔡叔以武庚殷餘民封康叔爲

衛君居河淇間故商墟

素隱曰宋忠云今定曰也

周公旦懼康

叔齒少乃申告康叔曰必求殷之賢人君子長

者問其先殷所以興所以亡而務愛民告以紂

所以亡者以淫於酒酒之失婦人是用故紂之

亂自此始爲梓材

正義曰若梓人爲材君子觀爲法則也梓匠人也

示君子

可法則故謂之康誥酒誥梓材以命之康叔之

國旣以此命能和集其民民大說成王長用事

舉康叔爲周司寇賜衛寶祭器

左傳曰八分康叔以大路大旂少帛績

茂旃旌大呂賈遠曰大路金路也少帛雜帛也績茂大赤也通帛爲旃折羽爲旌大呂鍾名鄭衆曰績茂旆名也

以

章有德康叔卒子康伯代立

索隱曰系本康伯名髡宋忠曰即王孫牟也事

周康王爲大夫按左傳所稱王孫牟父是也牟髡聲相近故不同耳譙周古史考無康伯而云子牟伯立蓋以不宜父子俱謚康故因其名云牟伯也

康伯卒子考伯立考伯卒子嗣伯

立嗣伯卒子廕伯立

史記音隱曰音捷。索隱曰系本作摯伯。

廕伯卒子

靖伯立靖伯卒子貞伯立

索隱曰系本作箕伯。

貞伯卒子頃

侯立頃侯厚賂周夷王夷王命衛爲侯

索隱曰康誥稱命介

侯于東土又云孟侯朕其弟小子封則康叔初封已爲侯也比子康伯即稱伯者謂方伯之伯耳非至子即降爵爲伯也故孔安國曰孟長也五侯之長謂方伯方伯州牧也故五代孫祖恒爲方伯耳至頃侯德衰不監諸侯乃從本爵而稱侯非是至子而削爵及頃侯賂夷王而稱侯也

頃侯立十二年卒子釐侯立

釐侯十三年周厲王出狩于彘共和行政焉二

十八年周宣王立四十二年釐侯卒太子共伯

餘立爲君共伯弟和有寵於釐侯多子之賂和

以其賂賂士以襲攻共伯於墓上共伯入釐侯

羨自殺

索隱曰羨音延延墓道又音以戰反恭伯名餘也

衛人因葬之釐侯

旁謚曰共伯而立和爲衛侯是爲武公

索隱曰和致恭伯代

立此說蓋非也按季札美康叔武公之德又國語稱武公年九十五矣猶箴誠於國恭恪于朝作抑自微至於沒身謂之

歡聖又詩著衛世子恭伯早卒不云被殺若武公殺兄而立豈可以爲訓而形之于國史乎蓋太史公採雜說而爲此記

耳武公即位修康叔之政百姓和集四十二年

犬戎殺周幽王武公將兵往佐周平戎甚有功

周平王命武公爲公五十五年卒子莊公揚立

莊公五年取齊女爲夫人好而無子又取陳女

爲夫人生子蚤死陳女女弟亦幸於莊公而生

子完

索隱曰女弟戴嬀也子完爲州吁所殺戴嬀歸陳詩燕燕于飛是也

完母死莊公令

夫人齊女子之立爲太子

索隱曰子之謂養之爲子也齊女即莊姜也詩碩人

篇閱之是也

莊公有寵妾生子州吁十八年州吁長好

兵莊公使將石碛諫莊公

賈逵曰石碛衛上卿

曰庶子好兵

使將亂自此起不聽二十二年莊公卒太子完

立是爲桓公桓公二年弟州吁驕奢桓公絀之

州吁出犇十三年鄭伯弟段攻其兄不勝亡而

州吁求與之友十六年州吁收聚衛亡人以襲

殺栢公州吁自立爲衛君爲鄭伯弟段欲伐鄭  
請宋陳蔡與俱三國皆許州吁州吁新立好兵  
弑栢公衛人皆不愛石碻乃因栢公母家於陳  
詳爲善州吁至鄭郊石碻與陳侯共謀使右宰  
醜進食因殺州吁于濮服虔曰右宰醜衛大夫濮陳地。索隱曰賈逵云濮陳地。按濮水有受河又受汴汴亦受河東北至離孤分爲二俱東北至鉅野入濟則濮在曹衛之間賈言陳地非也若據地理志陳留封丘縣濮水受沛當言陳留水也而迎栢公弟晉於邢而立之賈逵曰邢周公之嬪姬姓國是爲宣公宣公七年魯弑其君隱公  
九年宋督弑其君殤公及孔父十年晉曲沃莊  
伯弑其君哀侯十八年初宣公愛夫人夷姜夷



姜生子伋以爲太子而令右公子傅之右公子  
爲太子取齊女未入室而宣公見所欲爲太子  
婦者好說而自取之更爲太子取他女宣公得  
齊女生子壽子朔令左公子傅之

杜預曰左右媵  
之子因以爲號

太子伋母死宣公正夫人與朔共讒惡太子伋  
宣公自以其奪太子妻也心惡太子欲廢之及  
聞其惡大怒乃使太子伋於齊而令盜遮界上  
殺之

正義曰左傳云衛宣公使太子伋之齊  
使盜待諸莘將殺之杜預云莘衛地

與太子白旄

而告界盜見持白旄者殺之且行子朔之兄壽  
太子異母弟也知朔之惡太子而君欲殺之乃

謂太子曰界盜見太子白旄即殺太子太子可  
毋行太子曰逆父命求生不可遂行壽見太子  
不止乃盜其白旄而先馳至界界盜見其驗即  
殺之壽已死而太子伋又至謂盜曰所當殺乃  
我也盜并殺太子伋以報宣公宣公乃以子朔  
爲太子十九年宣公卒太子朔立是爲惠公左  
右公子不平朔之立也惠公四年左右公子怨  
惠公之讒殺前太子伋而代立乃作亂攻惠公  
立太子伋之弟黔牟爲君惠公五年齊衛君黔牟  
立八年齊襄公率諸侯奉王命共伐衛納衛惠

公誅左右八公子衛君黔牟犇于周惠公復立惠

公立三年出亡八年復入與前通年九十三

年矣二十五年惠公怨周之容舍黔牟與燕伐

周周惠王犇温衛燕立惠王弟頹爲王二十九

年鄭復納惠王三十一年惠公卒子懿公赤立

懿公即位好鸛

正義曰括地志云故鶴城在滑州匡城縣西南十五里左傳云衛懿公好鶴有

乘軒者狄伐衛公欲戰國人受甲者皆曰使鶴鶴實有祿位余焉能戰俗傳懿公養鶴於此城因名也淫樂

奢侈九年翟伐衛衛懿公欲發兵兵或畔大臣

言曰君好鸛鸛可令擊翟於是遂入殺懿公懿

公之立也百姓大臣皆不服自懿公父惠公朔

之讒殺太子伋代立至於懿公常欲敗之卒滅

惠公之後而更立黔牟之弟昭伯頑之子申為

君是為戴公戴公申元年卒齊桓公以衛數亂

乃率諸侯伐翟為衛築楚丘正義曰括地志云城武縣有楚丘亭立戴

公弟燬為衛君賈誼書曰衛侯朝於周周行人問其名

疆天子之號諸侯弗得用衛侯更其名曰燬然後受之。正義曰燬音毀是為文公文公以

亂故犇齊齊人入之初翟殺懿公也衛人憐之

思復立宣公前死太子伋之後伋子又死而代

伋死者子壽又無子太子伋同母弟二人其一

曰黔牟黔牟嘗代惠公為君八年復去其二曰

昭伯昭伯黔牟皆已前死故立昭伯子申為戴

公戴公卒復立其弟燮為文公文公初立輕賦

平罪索隱曰輕賦稅平斷刑地平或作卒卒謂士卒也罪字連下讀蓋亦一家之義耳身自勞與

百姓同苦以收衛民十六年晉公子重耳過無

禮十七年齊相公卒二十五年文公卒子成公

鄭立成公三年晉欲假道於衛救宋成公不許

晉更從南河度服虔曰南河齊南之東南流河也杜預曰從汶郡南度出衛南救宋

徵師於衛衛大夫欲許成公不肯大夫元咺攻

成公成公出犇索隱曰奔楚。正義曰咺况遠反晉文公重耳伐

衛分其地予宋討前過無禮及不救宋患也衛

成公遂出犇陳

索隱曰左傳衛侯聞楚師敗懼出奔楚遂適陳也

二歲如周

求入與晉文公會晉使人鳩衛成公成公私於

周主鳩令薄得不死

索隱曰按私謂賂之也

已而周為請晉

文公卒入之衛而誅元咺衛君瑕出犇

索隱曰是元咺所立

者成公入而殺之故僖三十年經云衛殺其大夫元咺及公子瑕此言奔非也

七年晉文公卒

十二年成公朝晉襄公十四年秦穆公卒二十

六年齊郟歆弑其君懿公

索隱曰郟歆與左氏同而齊系家作郟戎者蓋郟歆

掌御戎車故號郟戎

三十五年成公卒

世本曰成公徙濮陽宋忠曰濮

陽帝丘地名

子穆公遫立

正義曰

遫音速穆公二年楚莊王伐陳

殺夏徵舒三年楚莊王圍鄭鄭降復釋之十一

年孫良夫救魯伐齊復得侵地穆公卒子定公

臧立定公十二年卒子獻公術立獻公十三年

公令師曹教宮妾鼓琴賈逵曰師曹樂人妾不善曹咎之

妾以幸惡曹於公公亦咎曹三百十八年獻公

戒孫文子甯惠子食皆往日盱不召服虔曰孫文子林父也甯

惠子甯殖也敕戒二子欲共晏食皆服朝衣待命盱晏也而去射鴻於囿二子從

之服虔曰從公於囿公不釋射服與之言左傳曰不釋皮冠二子怒

如宿服虔曰孫文子邑也。索隱曰左傳作戚此亦音戚孫文子子數侍公飲

左傳曰文子子即孫蒯也使師曹歌巧言之卒章杜預曰巧言詩小雅也其卒章曰彼

何人斯居河之麋無拳無勇職爲亂階公欲以壁言文子居河上而爲亂師曹又怒公之嘗

筮三百乃歌之欲以怒孫文子報衛獻公文子  
語遽伯玉伯玉曰臣不知也

賈逵曰伯玉衛大夫

遂攻出獻

公獻公犇齊齊置衛獻公於聚邑孫文子審喜惠

子共立定公弟秋為衛君是為殤公

徐廣曰班氏云獻公弟火煠

殤公秋立封孫文子林父於宿十二年審喜與  
孫林父爭寵相惡殤公使審喜攻孫林父林父  
犇晉復求入故衛獻公獻公在齊齊景公聞之  
與衛獻公如晉求入晉為伐衛誘與盟衛殤公  
會晉平公平公執殤公與審喜而復入衛獻公  
獻公云在外十二年而入獻公後元年誅審喜



三年吳延陵季子使過衛見蘧伯玉史鮪曰衛  
多君子其國無故過宿孫林父爲擊磬君曰不樂  
音大悲使衛亂乃此矣是年獻公卒子襄公惡  
立襄公六年楚靈王會諸侯襄公稱病不往九  
年襄公卒初襄公有賤妾幸之有身夢有人謂  
曰我康叔也令若子必有衛名而子曰元妾怪  
之問孔成子服虔曰衛  
卿孔烝鉏成子曰康叔者衛祖也及  
生子男也以告襄公襄公白天所置也名之曰  
元襄公夫人無子於是乃立元爲嗣是爲靈公  
靈公五年朝晉昭公六年楚公子弃疾弑靈王

自立為平王十一年火三十八年孔子來祿之

如魯後有隙孔子去後復來三十九年太子蒯

瞶與靈公夫人南子有惡賈逵曰南子宋女欲殺南子蒯

瞶與其徒戲陽遯謀朝使殺夫人賈逵曰戲陽遯太子家臣。正

義曰戲音義戲陽後悔不果蒯瞶數自之夫人覺之懼

呼曰正義曰呼火故反太子欲殺我靈公怒太子蒯瞶犇

宋已而之晉趙氏四十二年春靈公游于郊令

子郚僕賈逵曰僕御也郚靈公少子也字子南靈公怒太

子出犇謂郚曰我將立若為後郚對曰郚不足

以辱社稷君更圖之服虔曰郚自謂已無德不足立以汚辱社稷夏靈公

卒夫人命子郢爲太子曰此靈公命也郢曰亡

人太子蒯瞶之子輒在也不敢當於是衛乃以

輒爲君是爲出公六月乙酉趙簡子欲入蒯瞶

乃令陽虎詐命衛十餘人衰經歸服虔曰衰經爲若從衛來迎太

也簡子送蒯瞶衛人聞之發兵擊蒯瞶蒯瞶不

得入入宿而保衛人亦罷兵出公輒四年齊田

乞弑其君孺子八年齊鮑子弑其君悼公孔子

自陳入衛九年孔文子問兵於仲尼仲尼不對

其後魯迎仲尼仲尼反魯十二年初孔圉文子

取太子蒯瞶之姊生惺孔氏之豎溥良夫美好

孔文子卒良夫通於悝母太子在宿悝母使良

夫於太子太子與良夫言曰苟能入我國報子

以乘軒免子三死母所與杜預曰軒大夫車也三死

三罪紫衣袒裳帶劔也紫衣君服也熱故偏袒不敬也衛侯求令名者與之食焉太子請使良夫良夫紫衣狐裘不釋劔

而食太子使牽退數之罪而殺之與之盟許以悝母為妻閏月良

夫與太子入舍孔氏之外圃服虔曰圃園昏二人蒙衣

而乘服虔曰二人謂良夫太子蒙衣為婦人之服以巾蒙其頭而共乘也官者羅御如孔

氏孔氏之老嬖審問之服虔曰家臣稱老問其姓名稱姻妾以

告賈逵曰媾姻家妾也遂入適伯姬氏服虔曰入孔氏家適伯姬所居既食悝

母杖戈而先服虔曰先至孔悝所太子與五人介輿假從之

賈逵曰介被甲也  
輿假豚欲以盟  
伯姬劫惺於廁彊盟之遂劫以登

臺

服虔曰於衛臺上召衛羣臣

欒甯將飲酒炙未熟聞亂使告

仲由

服虔曰季路為孔氏邑宰故告之

召護駕乘車

服虔曰召護衛大夫駕乘車不駕兵

車也言無距父之意行爵食炙

服虔曰欒甯使召季路乃行爵食炙

奉出公輒犇魯

服虔曰召護奉衛侯仲由將入遇子羔將出

賈逵曰子羔衛大夫高柴孔子弟子也將

出犇曰門已閉矣子路曰吾姑至矣

杜預曰且欲至門

子羔

曰不及莫踐其難

賈逵曰言家臣憂不及國不得踐履其難鄭眾曰是時輒以出不及事不

當踐其難子羔言不及以為季路欲死國也

子路曰食焉不辟其難

服虔曰言食惺

之祿欲救惺之難此明其不死國也

子羔遂出子路入及門公孫敢闔

門曰毋入為也

服虔曰公孫敢衛大夫言輒已出無為復入

子路曰是公

孫也求利而逃其難由不然利其祿必救其患

有使者出子路乃得入曰太子焉用孔悝雖殺

之必或繼之

王肅曰必有繼續其後攻太子

且曰太子無勇若燔臺

必舍孔叔太子聞之懼下石乞孟壓黓敵子路

度服

曰二子崩贖之臣敵當也○正義曰燔音煩舍音捨壓黓音乙減反

以戈擊之割纓子路

曰君子死冠不免

服虔曰不使冠在地

結纓而死

正義曰纓冠綏也

孔

子聞衛亂曰嗟乎柴也其來乎由也其死矣孔

悝竟立太子崩贖是為莊公莊公崩贖者出公

父也居外怨大夫莫迎立元年即位欲盡誅大

亂乃止二年魯孔丘卒三年莊公上城見戎州

賈逵曰戎州戎人之邑。○索隱曰左傳云戎州人攻之是也。隱二年公會戎于潛杜預云陳留濟陽縣東南有戎城濟陽與衛近故莊公登臺而望見戎州又七年云戎伐九伯于楚丘是戎與衛相近也。曰戎虜何為是

戎州病之十月戎州告趙簡子簡子圍衛十一

月莊公出犇

索隱曰左傳莊公本由晉趙氏納之立而背晉晉伐衛衛人出莊公立公子般師晉師退

莊公復入般師出奔初公登城見戎州已氏之妻髮美髡之以為夫人髡又欲剪戎州兼逐石圃故石圃攻莊公莊公懼踰北牆折股入已氏已氏殺之今系家不言莊公復入及死已氏直云出奔亦其踈也又左傳云衛復立般師齊伐衛立公子起執般師明年衛石圃逐其君起起奔齊出公輒復歸是左氏詳而系家略也衛人立公子

斑師為衛君

左傳曰斑師襄公之孫

齊伐衛虜斑師更立公

子起為衛君

服虔曰起靈公子

衛君起元年衛石曼專逐

其君起

索隱曰左傳作石圃此專音圃穀梁作曼姑專或音姑諸本多無曼字

起犇齊衛

出公輒自齊復歸立初出公立十二年亡亡在

外四年復入出公後元年賞從亡者立二十一年

卒

索隱曰按出公初立十二年亡在外四年復入九年卒是立二十一年自即位至卒凡經二十五年而卒

越于出公季父黔攻出公子而自立是為悼公悼

公五年卒

索隱曰紀年云四年卒于越系本名庚

子敬公弗立

世本云敬公費也

敬公十九年卒子昭公糾立

索隱曰系本云敬公生橈公舟非也

是時

三晉疆衛如小侯屬之

正義曰屬趙也

昭公六年公子

亶

正義曰音尾

弑之代立是為懷公懷公十一年公子

頹弑懷公而代立是為慎公慎公父公子適

索隱

衛康叔世家



曰音的系本適作虔虔悼公也

適父敬公也慎公四十二年卒子

聲公訓立

索隱曰訓亦作馴同休運反系本作聖公馳

聲公十一年卒子

成侯速立

索隱曰音速系本作不逝按上穆公已名速不可成侯更名則系本是也

成侯十

一年公孫鞅入秦

索隱曰秦本紀云孝公元年鞅入秦又按年表成侯與秦孝公同年然則

十一年當為元年字誤耳

十六年衛更貶號曰侯二十九年成

侯卒子平侯立平侯八年卒子嗣君立

索隱曰樂資據紀年

以嗣君即孝襄侯

嗣君五年更貶號曰君獨有濮陽四十

二年卒子懷君立懷君三十一年朝魏魏囚殺

懷君魏更立嗣君弟是為元君元君為魏壻故

魏立之

徐廣曰班氏云元君者懷君之弟

元君十四年秦拔魏東地

秦初置東郡更徙衛野王縣而并濮陽為東郡

索隱曰魏都大梁濮陽黎陽並是魏之東地故立郡名東郡也

二十五年元君卒子君

角立

年表云元君十一年秦置東郡十二年徙野王一十三年卒。索隱曰年表與此不同徐註備矣

君

角九年秦并天下立為始皇帝二十一年二世

廢君角為庶人衛絕祀

太史公曰余讀世家言至於宣公之太子以婦見誅弟壽爭死以相讓此與晉太子申生不敢明驪姬之過同俱惡傷父之志然卒死云何其悲也或父子相殺兄弟相滅亦獨何哉

索隱述贊曰

司寇受封

梓材有作

成錫厥器

夷加其爵

暨武能修

從文始約

詩美歸燕

傳矜石碣

皮冠射鴻

乘軒使鸛

宣縱淫嬖

曹生伋朝

蒯聵得罪

出公行惡

衛祚日衰

失於君角

史計參阡肆伯玖拾字

註貳阡壹伯玖拾陸字

結友相盡則取諸朝事

史記卷三十七

衛康叔世家第七

史記三十七

夫公孫孫

備鄭對罪

世公孫孫

衛林日象

東神對職

宣繼公孫

曹主公孫

結美鶴燕

對行公孫

文侯公孫

莫吹其隨

豐先公孫

公文公孫

同孫受任

林林公孫

公孫公孫

宋微子世家第八

史記三十八

微子開者

孔安國曰微畿內國名子爵也為紂卿士。索隱曰按尚書微子之命篇云命微子啓代殷後

今此名開者避漢景帝諱也

殷帝乙之首子而紂之庶兄也

索隱曰按尚書

亦以為殷王元子而是紂之兄呂氏春秋云生微子時母猶為妾及為妃而生紂故微子為紂同母庶兄

紂既

立不明淫亂於政微子數諫紂不聽及祖伊以

周西伯昌之修德滅阬

徐廣曰阬音耆。索隱曰耆即黎也。鄭誕云本黎五百黎孔

安國云黎在上黨東北即今之黎亭

阬國懼禍至以告紂紂曰我生

不有命在天乎是何能為於是微子度紂終不

可諫欲死之及去未能自決乃問於太師少師

孔安國曰太師三公箕子也少師孤卿比干也

曰殷不有治政不治四方

安

國曰言殷不有治政四方之事將必亡也我祖遂陳於上馬融曰我祖湯也孔安國曰言湯遂其功

陳力於上世也紂沈湎於酒婦人是用亂敗湯德於下馬融曰

曰下下世也殷既小大好草竊孔安國曰草野盜竊又為世也女媧充於外內馬融曰卿

士師師非度馬融曰非但小人學為女媧充卿士已下轉相師效為非法度皆有罪辜

乃無維獲鄭玄曰獲得也羣臣皆有是罪其爵祿又無常得之者言屢相攻奪小民乃並

興相為敵讎孔安國曰卿士既亂而小民各起共為敵讎言不和小民今殷其典

喪若涉水無津涯徐廣曰一作陟水無舟航言危也駟謂典國典也。索隱曰尚書典作淪

篆字變易其義亦殊喪音息浪反殷遂喪越至于今馬融曰越於也於

曰太師少師馬融曰重呼告之我其發出往鄭玄曰發起也紂禍敗如此我

其起作出往也。索隱曰往尚書作狂蓋亦今文尚書音異耳吾家保于喪徐廣曰一云於是我家保駟

案馬融曰卿大夫稱家

今女無故告

王肅曰無意告我也

子顛躋

如之何其

馬融曰躋借墜也恐顛墜於非義當如之何也鄭玄曰其語助也齊魯之間聲如姬記曰何居

太師若曰王子天篤下菑亡殷國

孔安國曰微子帝乙子故曰王

子天生紂為亂是下菑也鄭玄曰少師不荅志在必死。正義曰菑音災乃母畏畏不用老

長

孔安國曰上不畏天菑下不畏賢人違戾耆老之長不用其教今殷民乃陋淫神祇

之祀

徐廣曰一云今殷民侵神犧又一云陋淫侵神祇駟案馬融曰天曰神地曰祇。索隱曰尚書作攘竊劉

氏云陋淫借輕穢也今誠得治國國治身死不恨為死終不

得治不如去遂亡箕子者

馬融曰箕國名也子爵也

紂親戚也

索隱曰司馬彪曰箕子名胥餘馬融王肅以箕子為紂之諸父服虔杜預以為紂之庶兄杜預云梁國蒙縣有箕子冢

紂始為象箸

索隱曰箸音持略反按下文云為象箸必為玉杯杯箸事相近周禮六樽有犧象箸壺泰

山箬者尊者箸地無足是也劉氏音直  
慮反則杯箸亦食用之物並通為器  
箕子歎曰彼為象  
箸必為玉栝為栝則必思遠方珍怪之物而御  
之矣輿馬宮室之漸自此始不可振也紂為淫  
泆箕子諫不聽人或曰可以去矣箕子曰為人  
臣諫不聽而去是彰君之惡而自說於民吾不  
忍為也乃被髮佯狂而為奴遂隱而鼓琴以自  
悲故傳之曰箕子操風俗通義曰其道閉塞憂愁而作  
者命其曲曰操操者言遇苗遭害  
困厄窮迫雖怨恨失意猶守禮義  
不懼不懼樂道而不改其操也王子比干者亦紂之  
親戚也見箕子諫不聽而為奴則曰君有過而  
不以死爭則百姓何辜乃直言諫紂怒曰吾



聞聖人之心有七竅信有諸乎乃遂殺王子比

干剗視其心微子曰父子有骨肉而臣主以義

屬故父有過子三諫不聽則隨而號之人臣三

諫不聽則其義可以去矣於是太師少師乃勸

微子去遂行時比干已死而云少師者似誤周武王伐紂克殷微子

乃持其祭器造於軍門肉袒面縛索隱曰肉袒者袒而露肉也面

縛者縛手於背而面向前也劉氏云面即背也義稍迂左牽羊右把茅膝行而

前以告於是武王乃釋微子復其位如故武王

封紂子武庚祿父以續殷祀使管叔蔡叔傅相

之武王既克殷訪問箕子武王曰於乎維天陰

定下民相和其居

孔安國曰天不言而默定下民助合其居使有常生之資也

我不

知其常倫所序

孔安國曰言我不知天所以定民之常道理次序問何由

箕子對

曰在昔鯀陞鴻水汨陳其五行

孔安國曰陞塞汨亂也治水失道是

亂陳

帝乃震怒不從鴻範九等常倫所斃

徐廣曰

五行駟案鄭玄曰帝天也天以鯀如是乃震動其威怒不與天道大法九類言王所問所由敗也

鯀則殛死

禹乃嗣興

鄭玄曰春秋傳曰舜之殛鯀其舉也興禹

天乃錫禹鴻範九

等常倫所序

孔安國曰天與禹洛出書也神龜負文而出列於背有數至于九禹遂因而筆之以成九

類

初一日五行二曰五事三曰八政四曰五紀

五曰皇極六曰三德七曰稽疑八曰庶徵九曰

嚮用五福畏用六極

馬融曰言天所以畏懼人用六極

五行一曰水

二曰火三曰木四曰金五曰土鄭玄曰此數本諸陰陽所生之次也水

曰潤下火曰炎上孔安國曰言其自然之常性也木曰曲直孔安國曰木可揉使

曲直也金曰從革馬融曰金之性從人而更可銷鑠土曰稼穡王肅曰種之曰稼斂

之曰穡潤下作鹹孔安國曰水鹵所生炎上作苦孔安國曰焦氣之味曲直

作酸孔安國曰木實之性從革作辛孔安國曰金氣之味稼穡作甘孔安國曰甘味

生於百穀五行以下箕子所陳五事一曰貌二曰言三曰視四曰

聽五曰思貌曰恭言曰從馬融曰發言當使可從視曰明聽曰

聰思曰睿馬融曰睿通也恭作肅從作治馬融曰出令而從所以為治也明

作智聰作謀孔安國曰所謀必成審也睿作聖孔安國曰於事

無不通謂之聖八政一曰食二曰貨三曰祀四曰司空馬融曰司空

空掌營城郭主  
空土以居民  
五曰司徒孔安國曰主徒衆教以禮義  
六曰司寇馬融

曰主誅寇害  
七曰賓鄭玄曰掌諸侯朝覲之官  
八曰師鄭玄曰掌軍旅之官  
五紀一

曰歲二曰月三曰日四曰星辰馬融曰星二十八宿辰日月之所會也鄭

玄曰星五星也  
五曰歷數孔安國曰歷數節氣之度以爲歷數敬授民時  
皇極皇建其

有極孔安國曰大中之道大立其有中謂行九疇之義  
斂時五福用傳錫其庶

民馬融曰當斂是五福之道用布與衆民  
維時其庶民于女極馬融曰以其能斂是

五福故衆民於女  
取中正以歸心也  
錫女保極鄭玄曰又賜女以守中之道  
允厥庶民

毋有淫朋人毋有比德維皇作極孔安國曰民有善則無淫過朋

黨之惡比周之德惟天下皆大爲中正也  
允厥庶民有猷有爲有守女則

念之馬融曰允其衆民有謀有所執守當思念其行有所趣舍也  
不恊于極不離

于咎皇則受之

孔安國曰九民之行雖不合於中而不罹於咎惡皆可進用大法受之

而

安而色曰予所好德女則錫之福

孔安國曰女當安女顏色以謙

下人人曰我所好者德也女則與之爵祿

時人斯其維皇之極

孔安國曰不合于中之人

女與之福則是人此其惟大之中言可勉進也

母侮鰥寡而畏高明

馬融曰高明顯寵者

不在法

人之有能有為使羞其行而國其昌

王肅曰使進其

行任之以政則國為之昌

允厥正人既富方穀

孔安國曰正直之人既當爵祿富之又當

以善道

女不能使有好于而家時人斯其辜

孔安國曰不能

使正人有好於國家則是人斯其詐取罪而去也

于其母好女雖錫之福其

作女用咎

鄭玄曰無好於女家之人雖錫之以爵祿其動作為女用惡謂為天子結怨於民

母偏

母頗遵王之義

孔安國曰偏不平頗不正言當修先王正義以治民

母有作好

遵王之道

馬融曰好私好也

母有作惡遵王之路母偏母

黨王道蕩蕩

孔安國曰言開辟也鄭玄曰黨朋黨

母黨母偏王道平

平

孔安國曰言下治也

母反母側王道正直

馬融曰反反道也側傾側也

會其

有極

鄭玄曰謂君也常會聚有中的人以為為臣也

歸其有極

鄭玄曰謂臣也當就有中之君而事

之曰王極之傳言

馬融曰王者當盡極行之使臣下布陳其言

是夷是訓于

帝其順

馬融曰是大中而常行之用是教訓天下於天為順也

允厥庶民極之

傳言

馬融曰亦盡極敷陳其言於上也

是順是行

王肅曰民納言於上而得中者則順而行

之以近天子之光

王肅曰近猶益也順行民言所以益天子之光

曰天子作民

父母以為天下王

王肅曰政教務中民善是用所以為民父母而為天下所歸往

三德

一曰正直

鄭玄曰中平之人

二曰剛克三曰柔克

鄭玄曰克能也剛而能柔

柔而能剛寬猛相濟以成治立功

平康正直

孔安國曰世平康用正直治之

彊不友剛

克

孔安國曰友順也世彊禦不順以剛能治之

內友柔克

孔安國曰世和順以柔能治之也。索隱

曰內當爲變變和也

沈漸剛克

馬融曰沈陰也潛伏也陰伏之謀謂賊臣亂子非一朝一夕之勦君親無

將將而誅。索隱曰尚書作沈潛此字作漸其義當依馬註

高明柔克

馬融曰高明君子亦以德懷也

維辟作福維辟作威維辟玉食

馬融曰辟君也玉食美食不言王者闕諸

侯也鄭玄曰作福專爵賞也作威專刑罰也玉食備珍美也

臣無有作福作威玉食

臣有作福作威玉食其害于而家凶于而國人

用側頗辟民用僭忒

孔安國曰在位不端平則下民僭差

稽疑擇建立

上筮人

孔安國曰龜曰卜著曰筮考正疑事當選擇知上筮人而建立之

乃命上筮曰

兩曰濟曰涕

尚書作圍。索隱曰涕音亦尚書作驛孔安國云氣駱驛下連續今此文作涕是涕泣亦

相連之

曰霧

徐廣曰一曰溲曰被。索隱曰霧音蒙然蒙與霧亦通徐氏所見本涕作溲蒙作被義通而字

變曰克曰貞曰悔凡七卜五占之用二衍貞

鄭玄曰卜

五占之用謂兩濟圍霧克也二衍貞謂貞悔也將立卜筮人乃先命名兆卦而分別之兆卦之名凡七龜用五易用二審

此道者乃立之也兩者兆之體氣如兩然也濟者如兩止之雲氣在上者也圍者色澤而光明也霧者氣不釋鬱冥冥也

克者如裨氣之色相犯也內卦曰貞貞正也外卦曰悔悔之言晦也晦猶終也卦象多變故言衍貞立時人

為卜筮

鄭玄曰立是能分別兆卦之名者以為卜筮人 三人占則從二人之

言

鄭玄曰從其多者著龜之道幽微難明慎之深 女則有大疑謀及女心謀

及卿士謀及庶人謀及卜筮

孔安國曰先盡謀慮然後卜筮以決之

女

則從龜從筮從卿士從庶民從是之謂大同

孔安

國曰大 而身其康彊而子孫其逢吉

孔安國曰動不違眾故後世遇



也吉女則從龜從筮從卿士逆庶民逆吉卿士從

龜從筮從女則逆庶民逆吉庶民從龜從筮從

女則逆卿士逆吉鄭玄曰此三者皆從多故為吉女則從龜從筮逆

卿士逆庶民逆作內吉作外凶鄭玄曰此逆者多以故舉事於境內則吉

境外則凶龜筮共違于人用靜吉用作凶孔安國曰安則凶

動則凶鄭玄曰龜筮皆與人謀相違人雖三從猶不可以舉事庶徵曰雨曰陽曰隰曰

寒曰風曰時孔安國曰雨以潤物陽以乾物煖以長物寒以成物風以動物五者各以時所以為眾驗

五者來備各以其序庶草繁廡孔安國曰言五者備至各以次序則眾草

木繁廡一極備凶一極亡凶孔安國曰一者備極過甚則凶一者極無不至亦凶謂其

不時失叙曰休徵孔安國曰叙美行之驗曰肅時雨若孔安國曰

之謂也

時兩順之曰治時暘若孔安國曰君政治則時暘順之曰知時奧若孔安國曰君昭

哲則時孔安國曰君能曰謀時寒若孔安國曰君能曰聖時風若孔安國曰君能

則時風順之曰各徵孔安國曰叙曰狂常雨若孔安國曰君行僭

則常兩順之曰潛常暘若孔安國曰君行僭曰舒常

奧若孔安國曰君行逸豫則常煖順之曰急常寒若孔安國曰君行霧

則常寒順之曰霧常風若孔安國曰君行霧王胄維

歲馬融曰言王者所管職如歲兼四時也卿士維月孔安國曰卿士各有師

尹維日孔安國曰衆正官之吏分歲日月時毋易孔安國曰

各順常百穀用成治用明孔安國曰歲月無易則百峻民

用章家用平康孔安國曰賢臣日月歲時既易百

朱世家

穀用不成治用昏不明峻民用微家用不寧庶

民維星

孔安國曰星民象故衆民惟若星也

星有好風星有好雨

馬融曰箕

星好風畢星好雨

日月之行有冬有夏

孔安國曰日月之行冬夏各有常度

月之

從星則以風雨

孔安國曰月經于箕則多風離于畢則多雨政教失常以從民欲亦所以亂

五

福一曰壽二曰富三曰康寧

鄭玄曰康寧平安

四曰攸好

德

孔安國曰所好者德福之道

五曰考終命

孔安國曰各成其短長之命以自終不橫夭

極一曰凶短折

鄭玄曰未覩曰凶未冠曰短未婚曰折二索隱曰未覩未毀齒也音楚怵反

曰疾三曰憂四曰貧五曰惡

孔安國曰惡醜陋也

六曰弱

鄭玄曰愚

孺不壯

於是武王乃封箕子於朝鮮

索隱曰朝鮮音朝仙地因水爲名

而不臣也其後箕子朝周過故殷虛感宮室毀

壤生禾黍箕子傷之欲哭則不可欲泣爲其近

婦人

索隱曰婦人之性多涕泣也

乃作麥秀之詩以歌詠之其詩

曰麥秀漸漸兮禾黍油油

索隱曰漸漸麥芒之狀音子廉反又依字讀油油者

禾黍之苗光悅貌

彼狡童兮不與我好兮所謂狡童者紂

也殷民聞之皆爲流涕

杜預曰梁國蒙縣有箕子冢

武王崩成

王少周公旦代行政當國管蔡疑之乃與武庚

作亂欲襲成王周公

徐廣曰一云欲襲成周

周公既承成王

命誅武庚殺管叔放蔡叔乃命微子開代殷後

奉其先祀作微子之命以申之國于宋

卅本曰宋更曰睢陽

微子故能仁賢乃代武庚故殷之餘民甚戴愛

之微子開卒立其弟衍是爲微仲

禮記曰微子舍其孫膺而立衍

也鄭玄曰微子適子死立其弟衍殷禮也。索隱曰家語微子弟仲思名衍一名泄嗣微子爲宋公雖遷爵易位而班級不過其故故以舊官爲稱故二微雖爲宋公猶微至子稽乃稱宋公也

微仲卒子宋公稽立

索隱曰譙周云未謚故名之宋公稽卒子丁公申立丁公申卒

子湑公共立湑公共卒弟煬公熙立煬公即位

湑公子鮒祀弑煬公而自立

徐廣曰鮒一作魴。索隱曰譙周亦作魴祀據曰我當立是爲厲公厲

左氏即湑公庶子也弑煬公欲立太子弗父何何讓不受公卒子釐公舉立釐公十七年周厲王出奔彘

二十八年釐公卒子惠公音古莧反觀立呂忱曰觀惠公四年周宣王即位三十年惠公卒子哀公立哀公

元年卒子戴公立戴公二十九年周幽王爲犬  
戎所殺秦始列爲諸侯三十四年戴公卒子武  
公司空立武公生女爲魯惠公夫人生魯桓公  
十八年武公卒子宣公力立宣公有太子與夷  
十九年宣公病讓其弟和曰父死子繼兄死弟  
及天下通義也我其立和和亦三讓而受之宣  
公卒弟和立是爲穆公穆公九年病召大司馬  
孔父謂曰先君宣公舍太子與夷而立我我不  
敢忘我死必立與夷也孔父曰羣臣皆願立公  
子馮穆公曰毋立馮吾不可以負宣公於是穆

公使馮出居于鄭八月庚辰穆公卒兄宣公子  
與夷立是為殤公君子聞之曰宋宣公可謂知  
人矣立其弟以成義然卒其子復享之殤公元  
年衛公子州吁弑其君完自立欲得諸侯使告  
於宋曰馮在鄭必為亂可與我伐之宋許之與  
伐鄭至東門而還二年鄭伐宋以報東門之役  
其後諸侯數來侵伐九年大司馬孔父嘉妻好  
出道遇太宰華督服虔曰戴公之孫督說目而觀之服虔曰目

者極視精不轉也

督利孔父妻乃使人宣言國中曰殤公

即位十年耳而十一戰

賈逵曰一戰伐鄭圍其東門二戰取其禾三戰取邾田四

戰於鄭伐宋入其邦五戰伐鄭圍長葛六戰鄭以王命伐宋  
七戰魯敗宋師于菅八戰宋衛入鄭九戰伐戴十戰鄭入宋  
十一戰鄭伯以民苦不堪皆孔父爲之我且殺孔  
統師大敗宋

父以寧民是歲魯弑其君隱公十年華督攻殺  
孔父取其妻殤公怒遂弑殤公而迎穆公子馮  
於鄭而立之是爲莊公元年華督爲相九  
年執鄭之祭仲要以立突爲鄭君祭仲許竟立  
突十九年莊公卒子湣公捷立湣公七年齊桓  
公即位九年宋水魯使臧文仲往平水賈逵曰問  
凶曰弔  
湣公自罪曰寡人以不能事鬼神政不脩故水  
臧文仲善此言此言乃公子子魚教湣公也十



年夏宋伐魯戰於乘丘

徐廣曰乘一作腰駟案杜預曰乘丘魯地

魯生

虜宋南宮萬

賈逵曰南宮氏萬名宋卿

宋人請萬萬歸宋十一

年秋潛公與南宮萬獵因博爭行潛公怒辱之

曰始吾敬若今若魯虜也萬有力病此言遂以

局殺潛公于蒙澤

賈逵曰蒙澤宋澤名也杜預曰宋地梁國有蒙縣

大夫仇

牧聞之以兵造公門萬搏牧牧齒著門闔死

何休

曰闔門翳

因殺太宰華督乃更立公子游為君諸公

子犇蕭公子禦說犇亳

服虔曰蕭亳宋邑也杜預曰今沛國有蕭縣蒙縣西北有

亳城也

萬弟南宮牛將兵圍亳冬蕭及宋之諸公

子共擊殺南宮牛弑宋新君游而立潛公弟禦

說是爲栢公宋萬犇陳宋人請以賂陳陳人使  
婦人飲之醇酒服虔曰宋萬多力勇不可執故先使婦人誘而飲之酒醉而縛之以革

裹之歸宋

左傳曰以犀革裹之

宋人醢萬也

服虔曰醢肉醬

栢公二年

諸侯伐宋至郊而去二年齊栢公始霸二十三年  
迎衛公子燬於齊立之是爲衛文公文公女  
弟爲栢公夫人秦穆公即位三十年栢公病太  
子茲甫讓其庶兄目夷爲嗣栢公義太子意竟  
不聽三十一年春栢公卒太子茲甫立是爲襄  
公以其庶兄目夷爲相未葬而齊栢公會諸侯  
于葵丘襄公往會襄公七年宋地震星如雨與

兩借下

左傳曰隕石于宋五隕星也

六鷓退蜚

公羊傳曰現之則六察之則鷓徐察之則

退飛索隱曰按僖十六年左傳賈石于宋五賈星也六鷓退飛過宋都是當宋襄公之時訪內史叔興曰吉凶焉在對曰君將得諸侯而不終也然莊七年傳又云恒星不見夜中星實如雨與兩借也且與兩借下自在別年不與賈石退鷓之事同此史以賈石為賈星遂連恒星不見之時與兩借為文故與左傳小異也

風疾也

賈逵曰風起於遠至

宋都高而疾故鷓逢風却退

八年齊桓公卒宋欲為盟會十二

年春宋襄公為鹿上之盟

杜預曰鹿上宋地汝陰有原鹿其地在楚僖二十一年宋人楚人齊人盟于鹿上是也

然襄公求諸侯於楚楚纔許之計未合至汝陰鹿上今濟陰乘氏縣北有鹿城蓋此地也

以求諸侯於楚楚人許之公子曰

夷諫曰小國爭盟禍也不聽秋諸侯會宋公盟

于孟

杜預曰孟宋地

目夷曰禍其在此乎君欲已甚何以

堪之於是楚執宋襄公以伐宋冬會于亳以釋  
宋公子魚曰禍猶未也十三年夏宋伐鄭子魚  
曰禍在此矣秋楚伐宋以救鄭襄公將戰子魚  
諫曰天之弃商久矣不可冬十一月襄公與楚  
成王戰于泓穀梁傳曰戰于泓水之上楚人未濟目夷曰彼衆  
我寡及其未濟擊之公不聽已濟未陳又曰可  
擊公曰待其已陳陳成宋人擊之宋師大敗襄  
公傷股國人皆怨公公曰君子不困人於阨不  
鼓不成列何休曰軍法以鼓戰以金止不鼓不戰也不成列未成陳子魚曰兵以勝  
爲功何常言與徐廣曰一云尚何言與必如公言即奴事之

耳又何戰為楚成王已救鄭鄭享之去而取鄭

二姬以歸

索隱曰謂鄭大夫羊氏姜氏之女既是鄭女故云二姬

叔瞻曰成王無

禮

正義曰謂取鄭二姬也

其不沒乎為禮卒於無別有以知

其不遂霸也是年晉公子重耳過宋襄公以傷

於楚欲得晉援厚禮重耳以馬二十乘

服虔曰八十四

四年夏襄公病傷於泓而竟卒

索隱曰春秋戰于泓在僖二十二年重耳

過宋及襄公卒在二十四年今此文以重耳過與傷泓共歲故云是年又重耳過與宋襄公卒共是一歲則不合更云十

四年是進退俱不合於左氏蓋太史公之踈耳

子成公王臣立成公元年晉

文公即位三年倍楚盟親晉以有德於文公也

四年楚成王伐宋宋告急於晉五年晉文公救

宋楚兵去九年晉文公卒十一年楚太子商臣

弑其父成王代立十六年秦穆公卒十七年成

公卒

正義曰年表云公孫固殺成公

成公弟禦殺太子及大司馬公

孫固

正義曰世本云宋莊公孫名固爲大司馬

而自立爲君宋人共殺君

禦而立成公少子杵臼

正義曰年表云宋昭元年杵臼襄公之子徐廣曰一云成公少

子是爲昭公昭公四年宋敗長翟緣斯於長丘

魯世家云宋武公之世獲緣斯於長丘今云此時未詳。索隱曰春秋文公十一年魯敗翟于鹹獲長狄緣斯於長丘齊系家惠公二年長翟來王子城父攻殺之此並取左傳之說散於諸國系家今考其年歲亦頗相協而魯系家云武公此云昭公蓋此昭當爲武然前代雖已有武公此杵臼當亦謚武也若將不然豈下五代公子特爲君又豈謚昭乎

年楚莊王即位九年昭公無道國人不附昭公

弟鮑革

徐廣曰一無革字

賢而下士先襄公夫人欲通於

公子鮑不可

服虔曰襄公夫人周襄王之姊王姬也不可鮑不肯也

乃助之施於

國

正義曰施貳是反襄夫人助公子鮑布施恩惠於國人也

因大夫華元爲右師

正義

曰公子華元鮑因請得爲右師華元戴公五代孫華督之曾孫也

昭公出獵夫人王姬

使衛伯攻殺昭公梓曰弟鮑革立是爲文公文

公元年晉率諸侯伐宋責以弑君聞文公定立

乃去二年昭公子因文公母弟須與武繆戴莊

栢之族爲亂文公盡誅之出武繆之族

賈逵曰出逐也

四年春鄭命楚伐宋宋使華元將鄭敗宋囚華元

華元之將戰殺羊以食士其御羊羹羹不及

左傳曰御羊斟

也故怨馳入鄭軍故宋師敗得囚華元宋以兵

車百乘文馬四百疋

賈逵曰文狸文也王肅曰文馬畫馬也。正義曰按文馬者裝飾其

馬四伯匹用牽車伯乘遺鄭贖華元也又云文馬赤鬣縞身日如黃金

贖華元未盡入華

元二歸宋十四年楚莊王圍鄭鄭伯降楚楚復  
釋之十六年楚使過宋宋有前仇執楚使九月  
楚莊王圍宋十七年楚以圍宋五月不解宋城  
中急無食華元乃夜私見楚將子反子反告莊  
王王問城中何如曰析骨而炊何休曰析破人骨也易子而  
食莊王曰誠哉言我軍亦有二日糧以信故遂  
罷兵去二十二年文公卒子共公瑕立始厚葬



君子譏華元不臣矣共公九年華元善楚將子  
重又善晉將欒書兩盟晉楚十二年共公卒華  
元爲右師魚石爲左師司馬唐山攻殺太子肥

欲殺華元華元犇晉魚石止之至河乃還

皇覽見曰  
華元冢

在陳留小  
黃縣城北

誅唐山乃立共公少子成是爲平公

左傳

曰魚石  
犇楚

平公二年楚共王拔宋之彭城以封宋左

師魚石四年諸侯共誅魚石而歸彭城於宋三  
十五年楚公子圍弑其君自立爲靈王四十四  
年平公卒子元公佐立元公三年楚公子棄疾  
弑靈王自立爲平王八年宋火十年元公母信

詐殺諸公子大夫華向氏作亂楚平王太子建  
來奔見諸華氏相攻亂建去如鄭十五年元公  
爲魯昭公避季氏居外爲之求入魯行道卒子  
景公頭曼立索隱曰按曼立音萬景公十六年魯陽虎來奔  
已復去二十五年孔子過宋宋司馬桓魋惡之  
欲殺孔子孔子微服去三十年曹倍宋又倍晉  
宋伐曹晉不救遂滅曹有之正義曰宋景公滅曹在魯宣公八年周敬王二十  
十三年也二十六年齊田常弑簡公三十七年楚惠王  
滅陳蔡惑守心心宋之分野也景公憂之司星  
子韋曰可移於相景公曰相吾之股肱曰可移

於民景公曰君者待民曰可移於歲景公曰歲  
饑民困吾誰為君子韋曰天高聽卑君有君人  
之言二熒惑宜有動於是候之果徙三度六十  
四年景公卒宋公子特攻殺太子而自立是為

昭公

索隱曰特一作得按左傳景公無子取元公庶曾孫公孫周之子得及啓畜于公公宮及景公卒先立啓後立得

是為昭公與此全乖未知太史公據何為此說

昭公者元公之曾庶孫也昭

公父公孫糾糾父公子禘秦

徐廣曰禘音端

禘秦即元公

少子也景公殺昭公公父糾

索隱曰左傳云名周

故昭公怨殺

太子而自立昭公四十七年卒子悼公購由立

年表云四十九年。索隱曰購音古候反

悼公八年卒

索隱曰紀年為十八年

子休公

田立休公田二十二年卒子辟公辟兵立

徐廣曰一云辟

公兵。索隱曰紀年作相侯璧兵則璧兵誼相也又莊子云相侯行未出城門其前馳呼辟蒙人止之後為狂也司馬彪云呼辟使人辟道蒙人以相侯名辟而前馳呼辟故為狂也

辟公三年卒子剔成立

年表云剔成君也。索隱曰王劭按紀年云宋剔成肝發其君璧而自立

剔成四十一年剔

成弟偃攻襲剔成剔成敗奔齊偃自立為宋君

君偃十一年自立為王

索隱曰戰國策曰呂氏春秋皆以偃謚曰康王

東敗

齊取五城南敗楚取地二百里西敗魏軍乃與

齊魏為敵國盛血以韋囊縣而射之命曰射天

淫於酒婦人羣臣諫者輒射之於是諸侯皆曰

桀宋

索隱曰晉太康地記言其似桀也

宋其復為紂所為不可不

誅告齊伐宋王偃立四十七年齊湣王與魏楚

伐宋殺王偃遂滅宋而三分其地

年表云偃立四十二年

太史公曰孔子稱微子去之箕子爲之奴比干

諫而死殷有三仁焉

何晏曰仁者愛人三人行異而同稱仁者何也以其俱在憂亂寧民

也夏侯玄曰微子仕之窮也箕子比干志之窮也故或盡材而止或盡心而留皆其極也致極斯君子之事矣是以三仁

不同而歸其一揆也春秋譏宋之亂自宣公廢太子而立弟

公羊傳曰君子大居正宋之禍宣公爲之也

國以不寧者十世

索隱曰公羊春秋有此說

左氏則無譏焉襄公之時修行仁義欲爲盟主其大夫正

考父美之故追道契湯高宗殷所以興作商頌

韓詩商頌章句亦美襄公。索隱曰今按毛詩商頌序云正考父於周之太師得商頌十二篇以那爲首國語亦同此說

公之五篇存皆是商家祭祀樂章非考父追作也又考父佐襄  
戴武宣則在襄公前且百許歲安得述而美之斯謬說耳襄  
公既敗於泓而君子或以爲多公羊傳曰君子大其  
而不忘大禮有君而無臣以傷中國闕禮義喪之也  
爲雖文王之戰亦不過此也  
索隱曰襄公臨大事不忘大禮而君子或以爲多且傷中國  
之亂闕禮義之舉遂不嘉宋襄之盛德太史公襄而述之故  
云襄之也  
宋襄之有禮讓也

索隱述贊曰

殷有三仁

微箕紂親

一囚一去

不顧其身

頌美有客

書稱作賓

卒傳家嗣

或叙彝倫

微仲之後

世載忠勤

穆亦能讓

實爲知人

傷泓之役  
天之弃殷

有君無臣

偃號桀宋

史肆阡參宿單致字

註肆阡伍伯肆拾陸字

宋微子世家第八

史記三十八



晉世家第九

史記三十九

唐叔虞者周武王子而成王弟

索隱曰唐叔以夢及手文而名曰虞至成

王誅唐之後因戲削桐而封之叔字也故曰唐叔虞而唐有晉水至于變改其國號曰晉侯然晉初封於唐故稱晉唐叔虞也且唐本堯後封在夏墟而都於鄂鄂今在大夏是也及成王滅唐之後又分徙之於許郢之間故春秋有唐成公是也即今之唐州者也初武王與叔虞母會時

左傳曰邑姜方娠太叔服虔曰邑姜

武王后齊太公女

夢天謂武王曰余命女生子名虞余與

之唐及生子文在其手曰虞故遂因命之曰虞

武王崩成王立唐有亂

正義曰括地志云故唐城在絳州翼城縣西二十里即堯裔子

所封春秋云夏孔甲時有堯苗胄劉累者以豢龍事孔甲夏后嘉之賜氏御龍以更豕韋之後龍一雌死潛醢之以食夏后既而使求之懼而遷於魯縣夏后召孟別封劉累之孫于大夏之墟為侯至周成王時唐人作亂成王滅之而封大叔

更遷唐人子孫于杜謂之杜伯即范巧所云在周爲杜唐氏  
按魯縣汝州魯山縣是今隨州棗陽縣東南一百五十里上  
唐鄉故城即後子孫徙於唐

周公誅滅唐成王與叔虞戲削桐

葉爲珪以與叔虞曰以此封若史佚因請擇日

立叔虞成王曰吾與之戲耳史佚曰天子無戲

言言則史書之禮成之樂歌之於是遂封叔虞

於唐唐在河汾之東方百里故曰唐叔虞

世本曰居

鄂宋袁曰鄂地今在大夏。正義曰括地志云故鄂城在慈州昌寧縣東二里按與絳州夏縣相近禹都安邑故城在縣東北十五里故云在大夏也然封于河汾二水之東方百里正合在晉州平陽縣不合在鄂未詳

姓姬氏

字子于唐叔子燮是爲晉侯

正義曰燮先牒反括地志云故唐城在并州晉

陽縣北二里城記云堯築也國都城記云唐叔虞之子燮父徙居晉水傍今并理故唐城唐者即燮父初徙之處其城南

半入州城中削為坊城墻北半見在毛詩譜晉侯子寧族

云叔虞子燮父以堯墟南有晉水改曰晉侯

是為武侯

素隱曰系本作曼期譙周作曼旗也

武侯之子服人是為成

侯成侯子福是為厲侯

素隱曰系本作輻

厲侯子宜曰是

為靖侯靖侯已來年紀可推自唐叔至靖侯五

世無其年數靖侯十七年周厲王迷惑暴虐國

人作亂厲王出奔于彘大臣行政故曰共和

正義

曰厲王奔彘周召和其百姓行政號曰共和

十八年靖侯卒子釐侯司徒

立釐侯十四年周宣王初立十八年釐侯卒子

獻侯籍立

素隱曰系本及譙周皆作蘇

獻侯十一年卒子穆侯費

王立

素隱曰鄒諶本作弗生或作潰王並音秘

穆侯四年取齊女姜氏為

夫人七年伐條生太子仇

杜預曰條晉地

十年伐千畝有

功

杜預曰西河界休縣南有地名千畝

生少子名曰成師

杜預曰意取能成其衆也

晉

人師服曰

賈逵曰晉大夫

異哉君之命子也太子曰仇仇

者讎也少子曰成師成師大號成之者也名自

命也物自定也今適庶名反逆此後晉其能毋

亂乎二十七年穆侯卒弟殤叔自立太子仇出

奔殤叔三年周宣王崩四年穆侯太子仇率其

徒襲殤叔而立是爲文侯文侯十年周幽王無

道犬戎殺幽王周東徙而秦襄公始列爲諸侯

三十五年文侯仇卒子昭侯伯立昭侯元年封

文侯弟成師于曲沃

索隱曰河東之縣名漢武改曰聞喜也

曲沃邑大

於翼翼晉君都邑也

索隱曰翼翼本晉都自孝侯已下號翼翼平陽絳邑縣東翼翼城

是也成師封曲沃號為相叔靖侯庶孫欒賓

正義曰世本云

欒叔賓父也

相相叔相叔是時年五十八矣好德晉國

之衆皆附焉君子曰晉之亂其在曲沃矣末大

於本而得民心不亂何待七年晉大呂潘父弑

其君昭侯而迎曲沃相叔相叔欲入晉晉人發

兵攻相叔相叔敗還歸曲沃晉人共立昭侯子

平為君是為孝侯誅潘父孝侯八年曲沃相叔

卒子鱣代相叔是為曲沃莊伯

索隱曰鱣音時戰反又音善又音陸

孝

侯十五年曲沃莊伯弑其君晉孝侯于翼晉人

攻曲沃莊伯莊伯復入曲沃晉人復立孝侯子

郟為君是為鄂侯素隱曰系本作郟而他本亦作都。正義音丘戟反鄂侯二

年魯隱公初立鄂侯六年卒曲沃莊伯聞晉侯

卒乃興兵伐晉周平王使虢公將兵伐曲沃莊

伯莊伯走保曲沃晉人共立鄂侯子光是為哀

侯哀侯二年曲沃莊伯卒子稱代莊伯立正義曰稱尺證

反是為曲沃武公哀侯六年魯弑其君隱公哀

侯八年晉侵陘廷賈逵曰翼南鄙邑名陘廷與曲沃武公謀

九年伐晉于汾旁正義曰白郎反汾水之旁虜哀侯晉人乃立

哀侯子小子爲君是爲小子侯

禮記曰天子未除喪曰余小子生名之死

亦名之鄭玄曰晉有小子侯是取之天子也

小子元年曲沃武公使韓萬

殺所虜晉哀侯

賈逵曰韓萬曲沃相叔之子莊伯弟

曲沃益彊晉無

如之何晉小子之四年曲沃武公誘召晉小子

殺之周桓王使虢仲

正義曰馬融云周武王克商封文王異母弟虢仲於夏陽

伐曲

沃武公武公入于曲沃乃立晉哀侯弟緡爲晉

侯晉侯緡四年宋執鄭祭仲而立突爲鄭君晉

侯十九年齊人管至父弑其君襄公晉侯二十

八年齊相公始霸曲沃武公伐晉侯緡滅之盡

以其寶器賂獻于周釐王釐王命曲沃武公爲

晉君列爲諸侯於是盡併晉地而有之曲沃武公已即位二十七年矣更號曰晉武公晉武公始都晉國前即位曲沃通年三十八年武公稱者先晉穆侯曾孫也

索隱曰晉有兩穆侯言先以別後

曲沃相叔孫

也相叔者始封曲沃武公莊伯子也自相叔初封曲沃以至武公滅晉也凡六十七歲而卒代晉爲諸侯武公代晉二歲卒與曲沃通年即位凡三十九年而卒子獻公詭諸立獻公元年周

惠王弟頽攻惠王惠王出奔居鄭之櫟邑

索隱曰櫟鄭邑

今河南陽翟是也故鄭之十邑有櫟有華

五年伐驪戎得驪姬

韋昭曰西戎之別在驪山



也驪姬弟俱愛幸之八年士為說公

賈逵曰士為晉大夫

曰

故晉之羣公子多不誅亂且起乃使盡殺諸公

子而城聚都之

賈逵曰聚晉邑

命曰絳始都絳

索隱曰春秋莊二十六年

傳士為絳長也杜預曰今平陽絳邑縣應劭曰絳水出西南也

九年晉羣公子既云

奔號號以其故再伐晉弗克十年晉欲伐號士

薦曰且待其亂十二年驪姬生奚齊獻公有意

廢太子乃曰曲沃吾先祖宗廟所在而蒲邊秦

屈邊翟

韋昭曰蒲今蒲坂屈北屈皆在河東杜預曰蒲今平陽蒲子縣是也

不使諸子居

之我懼焉於是使太子申生居曲沃公子重耳

居蒲公子夷吾居屈獻公與驪姬子奚齊居絳

晉國以此知太子不立也太子申生其母齊桓  
公女也曰齊姜早死申生同母女弟為秦穆公  
夫人重耳母翟之狐氏女也夷吾母重耳母女  
弟也獻公享八人而太子申生重耳夷吾皆有  
賢行及得驪姬乃遠此三子十六年晉獻公作  
二軍左傳曰王使筮公命曲沃伯以一軍為晉侯今始為二軍公將上軍太子申生  
將下軍趙夙御戎畢萬為右伐滅霍滅魏滅耿  
服虔曰三國皆姬姓魏在晉之蒲坂河東也杜預曰平陽皮  
氏縣東南有耿鄉永安縣東北有霍太山也○索隱曰按永  
安縣西南汾水西有霍城古霍國有霍水出霍太山地理志  
河東北縣古魏國地記亦以為然服虔云在蒲坂非也地記  
又曰皮氏縣汾水南  
耿城是故耿國也  
還為太子城曲沃賜趙夙耿賜

畢萬魏以為大夫士蔦曰太子不得立矣分之

都城

服虔曰邑有先君之主曰都

而位以卿

賈逵曰謂將下軍

先為之極服虔

曰言其祿位極盡於此

又安得立不如逃之無使罪至為吳

太伯不亦可乎

王肅曰太伯知天命在王季奔吳不反

猶有令名

王肅曰雖去猶

可有令名何與其坐而及禍也

太子不從卜偃曰畢萬之後必大

賈逵

曰卜偃晉掌卜大夫郭偃

萬盈數也魏大名也

服虔曰數從一至萬為滿魏喻魏魏高大

也 以是始賞天開之矣

服虔曰以魏賞畢萬是為天開其福

天子曰兆

民諸侯曰萬民今命之大以從盈數其必有眾

杜預曰以魏從萬有眾多之象

初畢萬卜仕於晉國逼屯之比

賈逵

曰震下坎上屯坤下坎上比屯初九變之比

辛廖占之曰吉

賈逵曰辛廖晉大夫屯固

固

比入吉孰大焉

杜預曰屯險難也所以爲堅固比親密所以得入

其後必蕃

昌十七年晉侯使太子申生伐東山

賈逵曰東山赤狄別種

里克諫獻公

賈逵曰里克晉卿里季也

曰太子奉冢祀社稷之

粢盛以朝夕視君膳者也

服虔曰屈膳飲食

故曰冢子君

行則守有守則從

服虔曰有伐太子守則從之

從曰撫軍

服虔曰助君撫

循軍

守曰監國古之制也夫率師專行謀也

杜預

曰率師者必專謀軍事

誓軍旅

杜預曰宣號令

君與國政之所圖也

賈逵

曰國政正卿也

非太子之事也師在制命而已

杜預曰命將軍所制

稟

命則不威專命則不孝故君之嗣適不可以帥

師君失其官

杜預曰太子統師是失其官

率師不威將安用之

杜預

曰專命則不孝是為師必不威也

公曰寡人有子未知其太子誰立

里克不對而退見太子太子曰吾其廢乎里克

曰太子勉之教以軍旅賈逵曰將下軍不共是懼何故廢

乎且子懼不孝毋懼不得立服虔曰不得立已脩己而不

責人則免於難太子帥師公衣之偏衣服虔曰偏

異色駁不純聚在中左右異故曰偏衣杜預曰偏衣涅右異色其半似公服韋昭曰偏半也分身之半以授太子。正義

曰上衣去聲佩之金玦服虔曰以金為玦也韋昭曰金里

下衣如字克謝病不從太子太子遂伐東山十九年獻公

曰始吾先君莊伯武公之誅晉亂而號常助晉

伐我正義曰言號助又匿晉晉云公子果為亂弗誅後

遺子孫憂乃使荀息以屈產之乘

何休曰屈產出  
名馬之地東備

也假道於虞虞假道遂伐虢

賈逵曰虞在晉  
南虢在虞南

取其

下陽以歸

服虔曰下夏陽虢邑在大陽東北三  
十里穀梁傳曰下陽虞虢之塞邑

獻公私

謂驪姬曰吾欲廢太子以奚齊代之驪姬泣曰

太子之立諸侯皆已知之而數將兵百姓附之

奈何以賤妾之故廢適立庶君必行之妾自殺

也驪姬詳譽太子而陰令人譖惡太子而欲立

其子二十一年驪姬謂太子曰君夢見齊姜太

子速祭曲沃

服虔曰齊  
姜廟所在

歸釐於君太子於是祭其

母齊姜於曲沃上其薦胙於獻公獻公時出獵

置胙於宮中驪姬使人置毒藥胙中居二日

索隱

曰傳云六日

獻公從獵來還宰人上胙獻公獻公欲饗

之驪姬從傍止之曰胙所從來遠宜試之祭地

地墳

韋昭曰將飲先祭示有先也墳起也

與犬死與小臣小臣死

韋昭

曰小臣官名掌陰事今關士也

驪姬泣曰太子何忍也其父而欲

弑代之况他人乎且君老矣日暮之人曾不能

待而欲弑之謂獻公曰太子所以然者不過以

妾及奚齊之故妾願子母辟之他國若早自殺

毋徒使母子爲太子所魚肉也始君欲廢之妾

猶恨之至於今妾殊自失於此

索隱曰太子之行如此妾前見君欲廢而



恨之今乃自以恨爲失也

太子聞之奔新城

韋昭曰新城曲沃也新爲太子城

獻公

怒乃誅其傅杜原款或謂太子曰爲此藥者乃驪姬也太子何不自辭明之太子曰吾君老矣非驪姬寢不安食不甘即辭之君且怒之不可或謂太子曰可奔他國太子曰被此惡名以出人誰內我我自殺耳十二月戊申申生自殺於新城

索隱曰國語云申生乃雉於新城廟

此時重耳夷吾來朝人或告驪姬曰二公子怨驪姬譖殺太子驪姬恐因譖

二公子申生之藥胙二公子知之二子聞之恐

重耳走蒲夷吾是屈保其城自備守初獻公使



士為為

正義曰為為詭反為于偽反

二八公子焚蒲屈城弗就夷

吾以告公公怒士為士為謝曰邊城少寇安用

之退而歌曰狐裘蒙茸一國三公吾誰適從

服虔

曰蒙茸以言亂貌三公言君與二公子將敵故不知所從

卒就城及申生死二子

亦歸保其城二十二年獻公怒二子不辭而去

果有謀矣乃使兵伐蒲蒲人之官者勃鞮

正義曰勃鞮

白沒反鞮都提反韋昭云伯楚寺人勃之字也於文公時為勃鞮也

命重耳促自殺重耳

踰垣官者追斬其衣祛

服虔曰祛袂也

重耳遂奔翟使人

伐屈屈城守不可下是歲也晉復假道於虞以

伐虢虞之大夫宮之奇諫虞君曰晉不可假道

也是且滅虞虞君曰晉我同姓不宜伐我宮之  
奇曰太伯虞仲太王之子也太伯云去是以不  
嗣號仲號叔王季之子也爲文王卿士其記勳  
在王室藏於盟府杜預曰盟府司盟之官也將號是滅何愛于  
虞且虞之親能親於柏莊之族乎柏莊之族何  
罪盡滅之虞之與號脣之與齒脣云則齒寒虞  
公不聽遂許晉宮之奇以其族去虞其冬晉滅  
號號公醜奔周皇覽曰號公冢在河內溫縣郭東濟水南大冢是也其城南有號公臺還  
襲滅虞虜虞公及其大夫井伯百里奚正義曰南雍州記云  
百里奚宋井伯死人也

以媵秦穆姬

杜預曰穆姬獻公女送女曰媵以屈辱之

而修虞

祀

服虔曰虞所祭祀命祀也

荀息牽曩所遺虞屈產之乘馬奉

之獻公獻八矣曰馬則吾馬齒亦老矣

公羊傳曰蓋戲之地

何休曰以馬齒戲喻荀息之年老也

二十二年獻公遂發賈華等伐屈

賈逵曰賈華晉右行大夫

屈潰

正義曰民以潰其上曰潰

夷吾將奔翟異芮曰

不可

韋昭曰翼芮晉大夫

重耳已在矣今往晉必移兵伐翟

翟畏晉禍且及不如走梁梁近於秦秦疆吾君

百歲後可以求入焉遂奔梁二十五年晉伐翟

翟以重耳故亦擊晉於齧桑

左傳作采桑服虔曰翟地○索隱曰裴氏云左

傳作采桑按今平陽曲南七十里河水有采桑津是晉境服虔云翟地亦頗相近然字作齧桑齧桑衛地恐非也

晉

兵解而去當此時晉疆西有河西與秦接境北

邊翟東至河內

索隱曰河內曲也內音內

驪姬弟生悼子

索隱

曰左傳作卓子音耻角反弟女弟也

二十六年夏齊相公大會諸侯於

葵丘

正義曰在曹州考城縣東南一里

晉獻公病行後未至逢周之

宰孔宰孔曰齊相公益驕不務德而務遠略諸

侯弗平君第毋會

索隱曰第但也

毋如晉何獻公亦病復

還歸病甚乃謂荀息曰吾以奚齊為後年少諸

大臣不服恐亂起子能立之乎荀息曰能獻公

曰何以為驗對曰使死者復生生者不慙為之

驗

索隱曰謂荀息受公命而立奚齊雖復身死不背生時之命是謂死者復生也言生者見荀息不背君命而死不為

之羞慙也

於是遂屬奚齊於荀息荀息為相主國政

秋九月獻八年里克邳鄭欲內重耳以三公子

之徒作亂

賈逵曰邳鄭晉大夫三公子申生重耳夷吾

謂荀息曰三怨將

起秦晉輔之子將何如荀息曰吾不可負先君

言十月里克殺奚齊于喪次獻公未葬也荀息

將死之或曰不如立奚齊弟悼子而傅之荀息

立悼子而葬獻公十一月里克弑悼子于朝

列女

傳曰鞭殺

荀息死之君子曰詩所謂白珪之玷猶

可磨也斯言之玷不可爲也

杜預曰詩大雅言此言之缺難治甚於白珪

其荀息之謂乎不負其言初獻公將伐驪戎卜

曰齒牙爲禍

韋昭曰齒牙謂非端左右鬻折有似齒牙中有縱畫以象讒言之爲害也

及破

驪戎獲驪姬愛之竟以亂晉里克等已殺奚齊

悼子使人迎八公子重耳於翟

正義曰國語云里克及邰鄭使屠岸迎夷吾公

子重耳於翟曰國亂民擾得國在亂治民在擾子盍入乎

欲立之重耳謝曰負父之

命

正義曰負音佩

出奔父死不得脩人子之禮侍喪重耳

何敢入大夫其更立他子還報里克里克使迎

夷吾於梁夷吾欲往呂省

正義曰省音皆杜預云姓瑕呂名飴生字子金 郤

芮

正義曰卸成子即冀芮

曰內猶有公子可立者而外求難

信計非之秦輔疆國之威以入恐危乃使卻芮

厚賂秦約曰即得入請以晉河西之地與秦乃

遺里克書曰誠得立請遂封子於汾陽之邑

賈達

曰汾水名汾陽晉地也。○索隱曰國語云命里克汾陽之田百萬命不鄭以負蔡之田七十萬今此不言亦踈略也。秦

穆公乃發兵送夷吾於晉齊栢公聞晉內亂亦率諸侯如晉秦兵與夷吾亦至晉齊乃使隰朋會秦俱入夷吾立為晉君是為惠公齊栢公至晉之高梁而還歸惠公夷吾元年使邠鄭謝秦曰始夷吾以河西地許君今幸得入立大臣曰地者先君之地君亡在外何以得擅許秦者寡人爭之弗能得故謝秦亦不與里克汾陽邑而奪之權四月周襄王使周公忌父賈逵曰周卿士會齊秦大夫共禮晉惠公惠公以重耳在外畏里克為

變賜里克死謂曰微里子寡人不得立雖然子

亦殺二君一大夫

服虔曰奚齊悼子荀息也

爲子君者不亦難

乎里克對曰不有所廢君何以興欲誅之其無

辭乎乃言爲此臣聞命矣遂伏劍而死於是邳

鄭使謝秦未還故不及難晉君改葬恭太子申

生

韋昭曰獻公時申生葬不如禮故改葬之

秋狐突之下國

服虔曰晉所滅國以爲下邑一

曰曲沃有宗廟故謂之國在絳下故曰下國也

遇申生申生與載而告之

杜預

曰忽如夢而相見狐突本爲申生御故復使登車

曰夷吾無禮余得請於帝

服虔曰帝天帝請罰有罪

將以晉與秦秦將祀余狐突對曰臣

聞神不食非其宗君其祀毋乃絕乎君其圖之



申生曰諾吾將復請帝後十日

左傳曰七日

新城西

偏將有巫者見我焉

杜預曰將因巫以見

許之遂不見

杜預曰狐

突許其言申生之象亦沒

及期而往復見申生告之曰帝許罰

有罪矣弊於韓

賈逵曰弊敗也韓晉韓原

兒乃謠曰恭太子更

葬矣

索隱曰更改也更葬謂改葬

後十四年晉亦不昌昌乃在

兄邲鄭使秦聞里克誅乃說秦繆公曰呂省卻

稱冀芮實為不從

杜預曰三子晉大夫不從不與秦賂也。索隱曰呂省左傳作呂甥若

重賂與謀出晉君入重耳事必就秦繆公許之

使人與歸報晉厚賂三子三子曰弊幣厚言甘此

必邲鄭賣我於秦遂殺邲鄭及里克邲鄭之黨

七輿大夫

韋昭曰七輿申生下軍之眾大夫也杜預曰侯伯七命副車七乘

邳鄭子豹

奔秦言伐晉繆公弗聽惠公之立倍秦地及里

克誅七輿大夫國人不附二年周使召公過

韋昭

曰召武公禮晉惠公惠公禮倨

索隱曰謂受玉情也事見僖十一年

召公

譏之四年晉饑乞糴於秦繆公問百里奚

服虔曰秦大夫

百里奚曰天菑流行國家代有救菑恤鄰國之

道也與之邳鄭子豹曰伐之繆公曰其君是惡

其民何罪卒與粟自雍屬絳五年秦饑請糴於

晉晉君謀之慶鄭曰

杜預曰慶鄭晉大夫

以秦得立已而倍

其地約晉饑而秦貸我今秦饑請糴與之何疑

而謀之號射曰

服虔曰號射惠公舅

往年天以晉賜秦秦弗

知取而貸我今天以秦賜晉晉其可以逆天乎

遂伐之惠公用號射謀不與秦粟而發兵且伐

秦秦大怒亦發兵伐晉六年春秦穆公將兵伐

晉晉惠公謂慶鄭曰秦師深矣

韋昭曰深入境一曰深尤重

柰

何鄭曰秦內君君倍其賂晉饑秦輸粟秦饑而

晉倍之乃欲因其饑伐之其深不亦宜乎晉卜

御右慶鄭皆吉公曰鄭不孫

服虔曰孫順

乃更令步陽

御戎家僕徒爲右

服虔曰二子晉大夫也

進兵九月壬戌秦

穆公晉惠公合戰韓原

索隱曰在馮翊夏陽北二十里今之韓城縣是

惠公

馬驚不行

索隱曰驚音竹二反謂馬重而陷之於泥

秦兵至八谷君召慶鄭

為御鄭曰不用卜敗不亦當乎遂去更令梁繇

靡御

正義曰韋昭云梁由靡大夫也

號射為右輅秦穆公

服虔曰輅迎也。索

隱曰輅音五稼反鄉誕音或額反

繆公壯士冒敗晉軍晉軍敗遂

失秦繆公反獲晉公以歸秦將以祀上帝晉君

姊為繆公夫人衰經涕泣公曰得晉侯將以為

樂今乃如此且吾聞箕子見唐叔之初封曰其

後必當大矣晉庸可滅乎乃與晉侯盟王城

杜預

曰馮翊臨晉縣東有王城

而許之歸晉侯亦使呂省等報國人

曰孤雖得歸毋面目見社稷卜日立子圉晉人

聞之皆哭秦繆公問呂省晉國和乎對曰不和

小人懼失君云親

正義曰君惠公也親父母也言懼失君國亂恐亡父母不憚立子圉也

不憚立子圉曰必報讎寧事戎狄

正義曰小人言立子圉爲君之

後必報秦終不事秦寧事戎狄耳

其君子則愛君而知罪以待秦命

曰必報德有此二故不和於是秦繆公更舍晉

惠公餽之七牢

正義曰餽音饋一牛一羊一豕爲一牢

十一月歸晉侯

晉侯至國誅慶鄭修政教謀曰重耳在外諸侯

多利內之欲使人殺重耳於狄重耳聞之如齊

八年使太子圉質秦

正義曰初惠公亡在梁梁伯質音致

以其女妻之生一男一女梁伯卜之男爲人臣

女爲人妾故名男爲圉女爲妾

服虔曰圉人掌養馬臣之賤者不聘

曰十年秦滅梁梁伯好土功治城溝

賈逵曰溝塹也

民力

罷

正義曰音皮

怨其衆數相驚曰秦寇至民恐惑秦竟

滅之十三年晉惠公病內有數子太子圉曰吾母家在梁梁今秦滅之我外輕於秦而內無援於國君即不起病大夫輕更立他公子乃謀與其妻俱亡歸秦女曰子一國太子辱在此秦使婢子侍

服虔曰曲禮云世婦以下自稱婢子婢子婦人之卑稱

以固子之心子

云矣我不從子亦不敢言子圉遂亡歸晉十四

年九月惠公卒太子圉立是爲懷公子圉之云

秦死心之乃求公子重耳欲內之子圉之立畏秦  
之伐也乃令國中諸從重耳亡者與期期盡不  
到者盡滅其家狐突之子毛及偃從重耳在秦  
弗肯召懷公怒囚狐突突曰臣子事重耳有年  
數矣今召之是教之反君也何以教之懷公卒  
殺狐突秦繆公乃發兵送內重耳使人告欒卻  
之黨正義曰欒枝却穀之屬為內應殺懷公於高梁入重耳  
重耳立是為文公晉文公重耳晉獻公之子也  
自少好士年十七有賢士五人曰趙衰狐偃咎  
犯文公舅也賈佗先軫魏武子自獻公為太子

時重耳固已成人矣獻公即位重耳年二十一

獻公十三年以驪姬故重耳備蒲城守秦獻公

二十一年獻公殺太子申生驪姬讒之恐不辭

獻公而守蒲城獻公三十二年獻公使官者履

鞮趣殺重耳

索隱曰履鞮即左傳之勃鞮亦曰寺人披也

重耳踰垣官者

逐斬其衣袂重耳遂奔狄狄其母國也是時重

耳年四十三從此五士其餘不名者數十人至

狄狄伐咎如

賈逵曰赤狄之別隗姓。索隱曰咎如音高鄰誕本作困如又云或作囚

各得二

女以長女妻重耳生伯儵

正義曰直留反

叔劉以少女妻

趙衰生盾

索隱曰左傳云伐廬咎如獲其二女以叔隗妻趙衰生盾公子取季隗生伯儵叔劉則叔隗長



而季隗少  
乃不同也

居狄五歲而晉獻公卒里克已殺奚齊

悼子乃使人迎欲立重耳重耳畏殺因固謝不  
敢入已而晉更迎其弟夷吾立之是為惠公惠  
公七年畏重耳乃使官者履鞮與壯士欲殺重  
耳重耳聞之乃謀趙衰等曰始吾奔狄非以為  
可用與

索隱曰興起也非翟  
可用興起故奔之也

以近易通故且休足休

足久矣固願徙之大國夫齊桓公好善志在霸

王收恤諸侯今聞管仲隰朋死此亦欲得賢佐

盍往乎於是遂行重耳謂其妻曰待我二十五

年不來乃嫁其妻突曰犁二十五年

索隱曰犁猶  
比也。正義

曰杜預云言將死入木也不復成嫁也

吾冢上柏大矣雖然妾待子重

耳居狄凡十二年而去過衛衛文公不禮去過

五鹿

賈逵曰衛地杜預曰今衛縣西北有地名五鹿平陽元城縣東亦有五鹿

飢而從野人

乞食野人盛土器中進之重耳怒趙衰曰土者

有土也君其拜受之至齊齊相公厚禮而以宗

女妻之有馬二十乘重耳安之重耳至齊二歲

而相公卒會豎刁等爲內亂齊孝公之立諸侯

兵數至留齊凡五歲重耳愛齊女母去心趙衰

咎犯乃於桑下謀行齊女侍者在桑上聞之以

告其主其主乃殺侍者

服虔曰懼孝公怒故殺之以滅口

勸重耳趣

行重耳曰人生安樂孰知其他必死於此

徐廣曰一二云人

生一世必死於此

不能去齊女曰子一國公子窮而來此

數士者以子爲命子不疾反國報勞臣而懷女德竊爲子羞之且不求何時得功乃與趙衰等謀醉重耳載以行行遠而覺重耳大怒引戈欲殺咎犯咎犯曰殺臣成子偃之願也重耳曰事不成我食舅氏之肉咎犯曰事不成犯肉腥臊何足食乃止遂行過曹曹共公不禮欲觀重耳駢脇曹大夫釐負羈曰晉公子賢又同姓窮來過我柰何不禮共公不從其謀負羈乃私遺重

耳食置璧其下重耳受其食還其璧去過宋宋襄公新困兵於楚傷於泓聞重耳賢乃以國禮禮於重耳

索隱曰以國君之禮禮之也

宋司馬公孫固善於咎犯

曰宋小國新困不足以求入更之大國乃去過鄭鄭文公弗禮鄭叔瞻諫其君曰晉公子賢而其從者皆國相且又同姓鄭之出自厲王而晉之出自武王鄭君曰諸侯亡公子過此者衆安可盡禮叔瞻曰君不禮不如殺之且後爲國患鄭君不聽重耳去之楚楚成王以適諸侯禮待之

索隱曰適音敵

重耳謝不敢當趙衰曰子亡在外十餘

年小國輕子况大國乎今楚大國而固遇子子其母讓此天開子也遂以客禮見之成王厚遇重耳重耳甚卑成王曰子即反國何以報寡人重耳曰羽毛齒角玉帛君王所餘未知所以報王曰雖然何以報不穀重耳曰即不得已與君王以兵車會平原廣澤請辟王三舍

賈逵曰司馬法從遜不過

三舍三舍九十里也

楚將子玉怒曰王遇晉公子至厚今重

耳言不孫請殺之成王曰晉公子賢而困於外久從者皆國器此天所置庸可殺乎且言何以

易之

索隱曰子玉請殺重耳楚成王不許言人之出言不可輕易之也

居楚數月而晉

太子圉亡秦秦怨之間重耳在楚乃召之成王  
曰楚遠更數國乃至晉秦晉接境秦君賢子其  
勉行厚送重耳重耳至秦繆公以宗女五人妻  
重耳故子圉妻與往重耳不欲受司空季子曰晉臣曰季也曰其國且伐况其故妻乎且受以結秦親  
而求入子乃拘小禮忘大醜乎遂受繆公大歡  
與重耳飲趙衰歌黍苗詩韋昭曰詩云芄芄黍苗陰兩膏之繆公  
曰知子欲急反國矣趙衰與重耳下再拜曰孤  
臣之仰君如百穀之望時雨是時晉惠公十四  
年秋惠公以九月卒子圉立十一月葬惠公十

二月晉國大夫欒卻等聞重耳在秦皆陰來勸重耳趙衰等反國爲內應其衆於是秦繆公乃發兵與重耳歸晉晉聞秦兵來亦發兵拒之然皆陰知公子重耳入也唯惠公之故貴臣呂卻之屬正義曰呂甥和芮也不欲立重耳重耳出亡凡十九歲而得入時年六十二矣晉人多附焉文公元年春秦送重耳至河咎犯曰臣從君周旋天下過亦多矣臣猶知之況於君乎請從此去矣重耳曰若反國所不與子犯共者河伯視之索隱曰視猶見也乃投璧河中以與子犯盟是時介子推從在舡

中乃笑曰天實開八子而子犯以爲己功而要  
帑於君固足羞也吾不忍與同位乃自隱渡河

秦兵圍令狐晉軍于廬柳

韋昭曰廬柳晉地名

二月辛丑咎

犯與秦晉大夫盟於郇

杜預曰解縣西北有郇城。索隱曰音荀即文王之子所封又

音環壬寅重耳入于晉師丙午入于曲沃丁未朝

于武宮

賈逵曰文公之祖武公廟也

即位爲晉君是爲文公羣

臣皆往懷公圍奔高粱戊申使人殺懷公懷公  
故大臣呂省卻芮本不附文公文公立恐誅乃  
欲與其徒謀燒公宮殺文公文不知始嘗欲  
殺文公官者履鞮知其謀欲以告文公解前罪



求見文公文公不見使人讓曰蒲城之事女斬  
予祛其後我從狄君獵女爲惠公來求殺我惠  
公與女期三日至而女一日至何速也女其念  
之官者曰臣刀鋸之餘不敢以二心事君倍主  
故得罪於君君已反國其毋蒲翟乎且管仲射  
鉤桓公以霸今刑餘之人以事告而君不見禍  
又且及矣於是見之遂以呂卻等告文公文公  
欲召呂卻呂卻等黨多文公恐初入國國人賣

己乃爲微行會秦繆公於王城

素隱曰杜預云馮翊臨晉縣東有故王城

今名武鄉城

國人莫知三月己丑呂卻等果反焚公宮

不得文公文公之衛徒與戰呂卻等引兵欲奔  
秦繆公誘呂卻等殺之河上晉國復而文公得  
歸夏迎夫人於秦秦所與文公妻者卒爲夫人  
秦送三千人爲衛以備晉亂文公修政施惠百  
姓賞從亡者及功臣大者封邑小者尊爵未盡  
行賞周襄王以弟帶難出居鄭地來告急晉晉  
初定欲發兵恐他亂起是以賞從亡未至隱者  
介子推推亦不言祿祿亦不及推曰獻公子九  
人唯君在矣惠懷無親外內奔之天未絕晉必  
將有主主晉祀者非君而誰天實開之二三子

以爲己力不亦誣乎竊人之財猶曰是盜况貪

天之功以爲己力乎下冒其罪上賞其效上下

相蒙

服虔曰蒙欺也

難與處矣其母曰盍亦求之以死

誰對推曰尤而效之罪有甚焉且出然言不食其祿母曰亦使知之若何對曰言身之文也身欲隱安用文之文之是求顯也其母曰能如此乎與女偕隱至死不復見介子推從者憐之乃

懸書宮門曰龍欲上天五蛇爲輔

索隱曰龍喻重耳五蛇即五臣

狐偃趙衰魏武子司空季子及子推也舊云五臣有先軫顛頡今恐二人非其數

龍已升雲四蛇

各入其宇一蛇獨然終不見處所文公出見其

書曰此介子推也吾方憂王室未圖其功使人

召之則亡遂求所在聞其入緜上山中賈逵曰緜上晉地杜

預曰西河介休縣南有地名緜上於是文公環緜上山中而封之以

爲介推田徐廣曰一作國號曰介山以記吾過且旌善人

賈逵曰旌表也從亡賤臣壺叔曰君三行賞賞不及臣敢

請罪文公報曰夫導我以仁義防我以德惠此

受上賞輔我以行卒以成立此受次賞矢石之

難汗馬之勞此復受次賞若以力事我而無補

吾缺者此受次賞三賞之後故且及子晉人聞

之皆說二年春秦軍河上將入王索隱曰河上晉地趙衰

曰求霸莫如入王尊周周晉同姓晉不先入王  
後秦入之母以令于天下方今尊王晉之資也

三月甲辰晉乃發兵至陽樊

服虔曰陽樊周地陽邑名也樊仲山之所居故

曰陽樊

圍温入襄王于周四月殺王弟帶周襄王賜

晉河內陽樊之地四年楚成王及諸侯圍宋宋  
公孫固如晉告急先軫曰報施定霸於今在矣

杜預曰報宋贈馬之施

狐偃曰楚新得曹而初婚於衛若伐

曹衛楚必救之則宋免矣於是晉作三軍

王肅曰始復成

國之禮半周軍也

趙衰舉郤穀將中軍郤臻佐之使狐偃

將上軍狐毛佐之命趙衰為卿欒枝將下軍

賈逵

曰欒枝欒  
賓之孫

先軫佐之荀林父御戎魏驪爲右

正義曰驪

昌由反  
又音受

往伐冬十二月晉兵先下山東而以原封

趙衰

杜預曰河內沁水  
縣西北有原城

五年春晉文公欲伐曹假道

於衛衛人弗許還自河南度侵曹伐衛正月取

五鹿二月晉侯齊侯盟于斂孟

杜預曰  
衛地也

衛侯請盟

晉晉人不許衛侯欲與楚國人不欲故出其君

以說晉衛侯居襄牛

服虔曰  
衛地也

公子買守衛楚救衛

不卒

徐廣曰  
一作勝

晉侯圍曹二月丙午晉師入曹數之

以其不用鰲負羈言而用美女乘軒者三百人

也令軍毋入僖負羈宗家以報德楚圍宋宋復

告急晉文公欲救則攻楚為楚嘗有德不欲伐

也欲釋宋宋又嘗有德於晉患之

索隱曰晉若攻楚則傷楚子送

其入秦之德又欲釋宋不救乃虧宋公贈馬之惠進退有難是以患之

先軫曰執曹伯分

曹衛地以與宋楚急曹衛其勢宜釋宋

索隱曰楚初得曹又

新婚於衛今晉執曹伯而分曹衛之地與宋則楚急曹衛其勢宜釋宋也於是文公從之而

楚成王乃引兵歸楚將子玉曰王遇晉至厚今

知楚急曹衛而故伐之是輕王王曰晉侯亡在

外十九年困日久矣果得反國險阨盡知之能

用其民天之所開不可當子玉請曰非敢必有

功願以間執讒慝之口也

服虔曰子玉非敢求有大功但欲執為讒慝之口

謂子玉過三百乘不能入也杜預曰執猶塞也

楚王怒少與之兵於是子玉

使宛春告晉

西賈逵曰宛春楚大夫

請復衛侯而封曹臣亦釋

宋咎犯曰子玉無禮矣君取一臣取二勿許

昭韋

曰君文公也臣子玉也一謂釋宋圍二謂復曹衛

先軫曰定人之謂禮楚一

言定三國子一言而亡之我則毋禮不許楚是

弃宋也不如私許曹衛以誘之執宛春以怒楚

韋昭曰怒楚令必戰既戰而後圖之

杜預曰頃勝負決乃定計

晉侯乃囚宛

春於衛且私許復曹衛曹衛告絕於楚楚得臣

怒

得臣即子玉

擊晉師晉師退軍吏曰爲何退文公曰

昔在楚約退三舍可倍乎楚師欲去得臣不肯



四月戊辰宋公齊將秦將與晉侯次城濮

賈逵曰衛

地也。○索隱曰宋公成公王臣齊將國歸父秦將小子憇也。

己巳與楚兵合戰楚兵

敗得臣收餘兵去甲午晉師還至衡雍

杜預曰衡雍鄭地今

荏陽卷

作王宮于踐土

服虔曰既敗楚師襄王自往臨踐土賜命晉侯晉侯聞而爲之作宮

○索隱曰杜預云踐土鄭地然據此文晉師還至衡雍衡雍在河南也故劉氏云踐土在河南下文踐土在河北今元城

縣西有踐土驛義或然也

初鄭助楚楚敗懼使人請盟晉侯晉

侯與鄭伯盟五月丁未獻楚俘於周

正義曰俘音子囚也駟

介百乘徒兵千

服虔曰駟介駟馬被甲也徒兵步卒也

天子使王子虎

命晉侯爲伯

賈逵曰王子虎周大夫

賜大輅彤弓矢百旅弓

矢千

賈逵曰大輅金輅彤弓赤旅弓黑也諸侯賜弓矢然後征伐。正義曰彤徒冬反旅音盧

鉅鬯一

貞珪瓚

賈逵曰拒黑黍粢香酒也所以降神貞器名諸侯賜珪瓚然後爲

虎賁三百人

賈逵曰天子卒曰虎賁

晉侯三辭然後稽首受之

賈逵曰稽首首至地

周

作晉文侯命王若曰父義和

孔安國曰同姓故稱曰父馬融曰王順曰父能

以義和我諸侯。索隱曰尚書文侯之命是平王命晉曰又侯仇之語今此乃是襄王命文公重耳之事代數懸隔勳策全乖太史公雖復弥縫左氏而系家類亦時有踈謬裴氏集解亦引孔馬之注而都不言時代乖角何習迷而同醉也然計平王至襄王爲七代仇至重耳爲十一代而十三侯又平王元年至魯僖王二十八年當襄二十年爲一百三十餘歲矣學者頗合討論之劉伯莊以爲蓋天子命晉同此一辭尤爲非也

不顯文武能慎明德

孔安

國曰文王武王能詳慎顯用明德

昭登於上布聞在下

馬融曰昭明也上謂天下謂人

維時上帝集厥命于文武

孔安國曰惟以是故集其王命德流子孫

恤

朕身繼予一人永其在位

孔安國曰當受念我身則我一人長安在位

於

是晉文公稱伯癸亥王子虎盟諸侯於王庭

服虔

曰王庭踐土也。索隱曰服氏知王庭是踐土者據二十八年五月公會晉侯盟于踐土又此上文四月甲午作王宮于踐土王庭即王宮也

晉焚楚軍火數日不息文公歎左右曰

勝楚而君猶憂何文公曰吾聞能戰勝安者唯

聖人是以懼且子玉猶在庸可喜乎子玉之敗

而歸楚成王怒其不用其言貪與晉戰讓責子

玉子玉自殺晉文公曰我擊其外楚誅其內內

外相應於是乃喜六月晉人復入衛侯壬午晉

度河北歸國行賞孤偃爲首或曰城濮之事先

軫之謀文公曰城濮之事偃說我母失信先軫

曰軍事勝爲右吾用之以勝然此一時之說偃  
言萬世之功奈何以一時之利而加萬世功乎  
是以先之冬晉侯會諸侯於溫欲率之朝周力  
未能恐其有畔者乃使人言周襄王狩于河陽  
壬申遂率諸侯朝王於踐土索隱曰左氏五月盟于  
踐土冬會諸侯于溫天  
王狩於河陽壬申公朝於王所此文亦說冬朝于  
王當合於河陽溫地不合取五月踐土之文也孔子讀  
史記至文公曰諸侯無召王王狩河陽著春秋  
諱之也丁丑諸侯圍許曹伯臣或說晉侯曰齊  
桓公合諸侯而國異姓今君爲會而滅同姓曹  
叔振鐸之後晉唐叔之後合諸侯而滅兄弟非

禮晉侯說復曹伯於是晉始作三行

服虔曰辟天子六軍故謂

之三

荀林父將中行先穀將右行

索隱曰左傳屠擊將右行與此異

先蔑將左行

杜預曰三行無佐疑大夫帥也。索隱曰按左傳荀林父並是卿而云大夫帥者非也不

置佐者當避天子也。或新置三行官未備耳。

七年晉文公秦穆公共圍鄭

以其無禮於文公亡過時及城濮時鄭助楚也

圍鄭欲得叔瞻叔瞻聞之自殺鄭持叔瞻告晉

晉曰必得鄭君而甘心焉鄭恐乃間令使謂秦

穆公曰

索隱曰使謂獨之武也

亡鄭厚晉於晉得矣而秦未

為利君何不解鄭得為東道交

索隱曰交猶好也諸本及左氏皆作主

秦伯說罷兵晉亦罷兵九年冬晉文公卒子襄

公歡立是歲鄭伯亦卒鄭人或賣其國於秦

正義

曰左傳云秦晉伐鄭燭之武說秦師罷令杞子逢孫揚孫三大夫戍鄭杞子自鄭使告於秦曰鄭人使我掌其北門之管若潛師以來國可得也

秦繆公發兵往襲鄭十二月秦兵過

我郊襄公元年春秦師過周無禮王孫滿譏之  
兵至滑鄭賈人弦高將市于周遇之以十二牛  
勞秦師秦師驚而還滅滑而去晉先軫曰秦伯  
不用蹇叔反其衆心此可擊欒枝曰未報先君  
施於秦擊之不可先軫曰秦侮吾孤伐吾同姓  
何德之報遂擊之襄公墨衰經

賈逵曰墨變凶杜預曰以凶服從戎

故墨

四月敗秦師于殽虜秦三將孟明視西乞穉

白乙丙以歸遂墨以葬文公

服虔曰非禮也杜預曰記禮所由變也

文

公夫人秦女謂襄公曰秦欲得其三將戮之公

許遣之先軫聞之謂襄公曰患生矣軫乃追秦

將秦將渡河已在舟中頓首謝卒不反後二年

秦果使孟明伐晉報殺之敗取晉汪以歸

索隱曰左

氏傳文公二年秦孟明視伐晉報殺之役無取晉汪之事又其年冬晉先且居等伐秦取汪彭衙而還則汪是秦邑止可

晉伐秦取之豈得秦伐晉而取汪也或者晉先取之秦今伐晉而取汪是汪從晉來故云取晉汪而歸也彭衙在郟陽北

汪不知所在四年秦繆公大興兵伐我渡河取王官

正義

曰括地志云王官故城在同州澄城縣西北六十里左傳文三年秦伐晉取王官即此先言渡河史文顛倒耳封殺

尸而去晉恐不敢出遂城守五年晉伐秦取新

城

服虔曰秦邑新所作城也

報王官役也六年趙衰成子欒貞

子咎季子犯霍伯皆卒

賈逵曰欒貞子欒枝也霍伯先且居也

趙盾代

趙衰執政七年八月襄公卒太子夷臯少晉人

以難故

服虔曰晉國數有患難

欲立長君趙盾曰立襄公弟

雍好善而長先君愛之且近於秦秦故好也立

善則固事長則順奉愛則孝結舊好則安賈季

曰不如其弟樂辰羸嬖於二君

服虔曰辰羸懷羸也二君懷公文公

立

其子民必安之趙盾曰辰羸賤班在九人下

服虔

曰班次也

其子何震之有

賈逵曰震威也

且為二君嬖淫也為先

君子

正義曰樂文八公子也

不能求大而出在小國僻也母淫



子僻無威

正義曰辟及亦反言樂  
辟隱在陳而遠無援也

陳小而遠無援將

何可乎使士會如秦迎公子雍賈季亦使人召

公子樂於陳趙盾廢賈季以其殺陽處父

左傳曰此

時賈他為太師  
陽處父為太傅

十月葬襄公十一月賈季奔翟是

歲秦穆公亦卒靈公元年四月秦康公曰昔文

公之入也無衛故有呂卻之患乃多與公子雍

衛太子毋繆嬴日夜抱太子以號泣於朝曰先

君何罪其嗣亦何罪舍適而外求君將安置此

服虔曰  
此太子

出朝則抱以適趙盾所頓首曰先君奉此

子而屬之子曰此子材吾受其賜不材吾怨子

王肅曰然其教導不至

今君卒言猶在耳

杜預曰在宣子之耳

而奔之若

何趙盾與諸大夫皆患穆嬴且畏誅乃背所迎而立太子夷臯是爲靈公發兵以距秦送公子雍者趙盾爲將往擊秦敗之令狐先蔑隨會亡奔秦秋齊宋衛鄭曹許君皆會趙盾盟於扈

曰鄭地滎陽卷縣西北有扈亭

以靈公初立故也四年伐秦取少

梁秦亦取晉之郟

徐廣曰年表云北嶽也。索隱曰按左傳文十年春晉人伐秦取少梁夏

秦伯伐晉取北嶽北嶽即年表所謂今云郟者字誤也。嶽音鬱亦馮翊之縣名

六年秦康公伐

晉取羈馬晉侯怒使趙盾趙穿卻缺擊秦大戰河曲趙穿最有功七年晉六卿患隨會之在秦

常為晉亂乃詳令魏壽餘反晉降秦秦使隨會

之魏因執會以歸晉八年周頃王崩公卿爭權

故不赴索隱曰春秋魯文十二年頃王崩周公閱與王孫蘇爭政故不赴是也晉使趙盾

以車八百乘平周亂而立匡王索隱曰左傳文十四年晉趙盾以諸侯之

師入百乘納捷苗于邾不克乃還而周公閱與王孫蘇訟于晉趙宣子平王室而復之則以車八百乘自是宣子納邾捷

苗不開王室之事但文相連耳恐此誤是年楚莊王初即位十二年齊

人弑其君懿公十四年靈公壯侈厚斂以彫墻

賈逵曰彫畫也從臺上彈人觀其避丸也宰夫胹熊蹯不

熟服虔曰蹯熊掌其肉難熟正義曰胹音而蹯音樊靈公怒殺宰夫使婦人

持其屍出奔之過朝趙盾隨會前數諫不聽已

又見死人手二人前諫隨會先諫不聽靈公患

之使鉏麇刺趙盾賈逵曰鉏麇晉力士。正義曰鉏音鋤麇音迷。盾閨門開

居處節鉏麇退歎曰殺忠臣弃君命罪一也遂

觸樹而死杜預曰趙盾庭樹也。初盾常田首山徐廣曰蒲坂縣有雷首山。見桑

下有餓人餓人示眦明也索隱曰鄒誕生音示眦為祁彌即左傳之提彌明也。

提音市移反劉氏亦音祁為時移反則祁提二字同音也而凡史記作示者示即周禮古本地神曰祗皆作示字鄒為祁者蓋由祁提音相近字遂變為祁也。眦音米移反以眦為彌亦音相近耳又據左氏宣公二年桑下餓人是靈輒也其示

眦明是嗾熨者也。眦明闕而死今合二人為一人非也。盾與之食食其半問其

故曰宦三年服虔曰宦官學士也。未知母之存不願遺母盾

義之益與之飯肉已而為晉宰夫趙盾弗復知

也九月晉靈公飲趙盾酒伏甲將攻盾公宰示

眯明知之恐盾醉不能起而進曰君賜臣觴三

行索隱曰如字可以罷欲以去趙盾令先母及難盾既

去靈公伏士未會先縱齧狗名敖何休曰犬四尺曰敖○索隱曰

縱足用反又作噉又作就同素后反明為盾搏殺狗盾曰弃人用狗雖

猛何為然不知明之為陰德也已而靈公縱伏

士出逐趙盾示眯明反擊擊靈公之伏士伏士不

能進而竟脫盾盾問其故曰我桑下餓人問其

名弗告服虔曰不望報明亦因亡去盾遂奔未出晉境乙

丑盾昆弟將軍趙穿襲殺靈公於桃園虞翻曰園名也而

迎趙盾趙盾素貴得民和靈公少侈民不附故

爲弑易

索隱曰以政反

盾復位晉曰太史董狐書曰趙盾弑

其君以視於朝盾曰弑者趙穿我無罪太史曰

子爲正卿而亡不出境反不誅國亂非子而誰

孔子聞之曰董狐古之良史也書法不隱

杜預曰不

隱盾之罪宣子良大夫也爲法受惡

服虔曰聞義則服杜預曰善其爲法受屈

也。正義曰

惜也出疆乃免

杜預曰越境則君臣之義絕可以不討賊也

趙

盾使趙穿迎襄公弟黑臀于周而立之是爲成

公成公者文公少子其母周女也壬申朝于武

宮成公元年賜趙氏爲公族

服虔曰公族大夫也伐鄭鄭倍

晉故也三年鄭伯初立附晉而奔楚楚怒伐鄭

晉往救之六年伐秦虜秦將赤

索隱曰赤即斥謂斥候之人也按宣八年

左傳晉伐秦獲秦謀殺諸絳市蓋彼謀即此赤也晉成公六年與魯宣八年正同故知然也

七年成公

與楚莊王爭彊會諸侯于扈陳畏楚不會晉使

中行栢子伐陳

索隱曰栢子荀林父也

因救鄭與楚戰敗楚

師是年成公卒子景公據立景公元年春陳大

夫夏徵舒弑其君靈公二年楚莊王伐陳誅徵

舒三年楚莊王圍鄭鄭告急晉使荀林父將

中軍隨會將上軍趙朔將下軍郤克欒書先穀

韓厥鞏鞏朝佐之六月至河聞楚已服鄭鄭伯肉

祖與盟而去荀林父欲還先穀曰凡來救鄭不  
至不可將率離心卒度河楚已服鄭欲飲馬于  
河爲名而去楚與晉軍大戰鄭新附楚畏之反  
助楚攻晉晉軍敗走河爭度舡中人指甚衆楚  
虜我將智瑩歸而林父曰臣爲督將軍敗當誅  
請死景公欲許之隨會曰昔文公之與楚戰城  
濮成王歸殺子玉而文公乃喜今楚已敗我師  
又誅其將是助楚殺仇也乃止四年先穀以首  
計而敗晉軍河上恐誅乃奔翟與翟謀伐晉晉  
覺乃族穀穀先軫子也五年伐鄭爲助楚故也



是時楚莊王彊以挫晉兵河上也六年楚伐宋

宋來告急晉見欲救之伯宗謀曰

賈逵曰伯宗晉大夫

楚天

方開之不可當乃使解揚給為救宋

服虔曰解揚晉大夫鄭

人執與楚楚厚賜使反其言令宋急下解揚給

許之卒致晉君言楚欲殺之或諫乃歸解揚七

年晉使隨會滅赤狄八年使卻克於齊齊頃公

母從樓上觀而笑之所以然者卻克僂而魯使

蹇衛使眇故齊亦令人如之以導客卻克怒歸

至河上曰不報齊者河伯視之至國請君欲伐

齊景公問知其故曰子之怨安足以煩國弗聽

魏文子請老休辟郤克克執政九年楚莊王卒  
晉伐齊齊使太子彊爲質於莒是晉兵罷十一年

春齊伐魯取隆

索隱曰劉氏云隆即龍也魯北有隆山又此年當魯成二年經書齊侯伐我北

鄙傳曰圍龍又鄙誕及別本作侑字侑當作鄆文十二年季孫行父帥師城諸及鄆鄆即侑也字變耳地理志云在東宛

縣

魯告急衛衛與魯皆因郤克告急於晉乃使

郤克欒書韓厥以兵車八百乘與魯衛共伐齊

夏與頃公戰於鞏鞏傷困頃公頃公乃與其右易

位下取飲以得脫去齊師敗走晉追北至齊頃

公獻寶器以求平不聽郤克曰必得蕭桐姪子

爲質索隱曰傳作叔子齊使曰蕭桐姪子頃公母頃公母

猶晉君母奈何必得之不義請復戰巫見乃許與

平而去楚申公巫臣盜夏姬以奔巫晉以巫臣

為邢大夫賈逵曰邢晉邑十二年冬齊頃公如晉欲上尊

晉景公為王景公讓不敢晉始作六卿賈逵曰初作六軍

也韓厥鞏朔趙穿荀驩趙括趙旃皆為卿索隱曰驩也

音佳溢也音佳溢也智罃自楚歸十二年魯成公朝巫晉弗敬

魯怒去位巫晉伐鄭取汜十四年梁山崩公羊傳曰梁山

河上山杜預曰在馮翊夏陽縣北也問伯宗伯宗以為不足怪也徐廣曰年表云

伯宗隱其人用其言十六年楚將子反怨巫臣滅其族巫臣

怒遺子反書曰必令子罷於奔命乃請使吳令

其子爲吳行人教吳乘車用兵吳王曰始通約伐  
楚十七年誅趙同趙括族滅之韓厥曰趙衰趙  
盾之功豈可忘乎奈何絕祀乃復令趙庶子武  
爲趙後復與之邑十九年夏景公病立其太子  
壽曼爲君是爲厲公後月餘景公卒厲公元年  
初立欲和諸侯與秦桓公夾河而盟歸而秦倍  
盟與翟謀伐晉二年使呂相讓秦賈逵曰呂相因與  
諸侯伐秦至涇敗秦於麻隧虜其將成差五年  
三郤讒伯宗殺之賈逵曰三郤郤  
錡郤犇郤至伯宗以好直諫  
得此禍國人以是不附厲公六年春鄭倍晉與

楚盟晉怒欒書曰不可以當吾世而失諸侯乃發兵厲公自將五月渡河聞楚兵來救范文子請公欲還卻至曰發兵誅逆見彊辟之無以令諸侯遂與戰癸巳射中楚共王目楚兵敗於鄢

陵

徐廣曰一作焉服虔曰鄢陵鄭之東南地也。索隱曰鄢音偃又於連反。

子反收餘兵拊

循欲復戰晉患之共王召子反其侍者豎陽穀進酒子反醉不能見王怒讓子反子反死王遂引兵歸晉由此威諸侯欲以今天下求霸厲公多外嬖姬歸欲盡去羣大夫而立諸姬兄弟寵姬兄曰胥童嘗與卻至有怨及欒書又怨卻至

不用其計而遂敗楚

左傳曰欒書欲待楚師退而擊之

乃

使人間謝楚楚來詐厲公曰鄢陵之戰實至召

楚欲作亂內子周立之會與國不具是以事不

成厲公生欒書欒書曰其殆有矣願公試使人

之周

虞翻曰周京師

微考之果使郤至於周欒書又使公

子周見郤至郤至不知見賣也厲公驗之信然

遂怨郤至欲殺之八年厲公獵與姬飲郤至殺

豕奉進宦者奪之

索隱曰宦者孟張

郤至射殺宦者公怒

曰季子欺予

杜預曰公反以爲郤至奪豕也

將誅三郤未發也郤錡

欲攻公曰我雖死公亦病矣郤至曰信不反君

智不害民勇不作亂失此三者誰與我我死耳

十二月壬午公公令胥童以兵八百人襲攻殺三

卻胥童因以劫欒書中行偃于朝曰不殺二子

患必及公公曰一旦殺二卿寡人不忍益也對

曰人將忍君杜預曰人謂書偃公弗聽謝欒書等以誅卻

氏罪大夫復位二子頓首曰幸甚幸甚公使胥

童為卿閏月乙卯厲公游匠驪氏賈逵曰匠驪氏晉外嬖大夫在

者翼欒書中行偃以其黨襲捕厲公囚之殺胥童

而使人迎公子周徐廣曰一作糾于周而立之是為悼公

悼公元年正月庚申欒書中行偃弑厲公葬之

左傳曰葬之于翼東門之外

以一乘車

杜預曰言不以君禮葬也諸侯葬車七乘

厲公囚

六日死死十日庚午智瑩迎公子周來至絳刑  
雞與大夫盟而立之是為悼公辛巳朝武宮二  
月乙酉即位悼公周者其大父捷晉曩公少子  
也不得立號為栢叔栢叔最愛栢叔生惠伯談  
談生悼公周周之立年十四矣悼公曰大父父  
皆不得立而辟難於周客死焉寡人自以踈遠  
毋幾為君索隱曰幾音異謂望也今大夫不忘文襄之意而  
惠立栢叔之後賴宗廟大夫之靈得奉晉祀豈  
敢不戰戰乎大夫其亦佐寡人於是遂不臣者



七人脩舊功施德惠收文公入時功臣後秋伐

鄭鄭師敗遂至陳三年晉會諸侯

索隱曰於雞澤也

悼公

問羣臣可用者祁僕舉解狐解狐僕之仇復問

舉其子祁午君子曰祁僕可謂不黨矣外舉不

隱仇內舉不隱子方會諸侯悼公弟揚于亂行

賈逵曰行陳也魏絳戮其僕

賈逵曰僕御也

悼公怒或諫公公卒賢

絳任之政使和戎戎大親附十一年悼公曰自

吾用魏絳九合諸侯

服虔曰九合一謂會于戚二會城棣救陳三會于鄆四會于邢立五

同盟于戲六會于相七戌鄭虎牢八同盟于亳城北九會于蕭魚

和戎翟魏子之力也

賜之樂三讓乃受之冬秦取我櫟

索隱曰音歷釋例云在河北地

闕十四年晉使六卿率諸侯伐秦度涇大敗秦軍至械林而去十五年悼公問治國於師曠師曠曰唯仁義爲本冬悼公卒子平公彪立平公元年伐齊齊靈公與戰靡下徐廣曰靡一作歷。素隱曰劉氏靡音眉綺反齊師敗走晏嬰女曰君亦毋勇何不止戰遂去晉追遂圍臨菑盡燒屠其郭中東至膠南至沂齊皆城守晉乃引兵歸六年魯曾襄公朝晉晉欒逞有罪奔齊八年齊莊公微遣欒逞於曲沃以兵隨之齊兵上太行欒逞從曲沃中反襲入絳不戒平公欲自殺范獻子止公以其徒擊逞

逞敗走曲沃曲沃攻逞逞死遂滅欒氏宗逞者

欒書孫也

左傳逞作盈

其入絳與魏氏謀齊莊公聞逞

敗乃還取晉之朝歌去以報臨菑之役也十年

齊崔杼弑其君莊公晉因齊亂伐敗齊於高唐

去報太行之役也十四年吳延陵季子來使與

趙文子韓宣子魏獻子語曰晉國之政卒歸此

三家矣十九年齊使晏嬰如晉與叔嚮語叔嚮

曰晉季世也公厚賦爲臺池而不恤政政在私

門其可久乎晏子然之二十二年伐燕二十六

年平公卒子昭公夷立昭公六年卒六卿彊公

室卑

索隱曰韓趙魏范中行及晉氏爲六卿後韓趙魏爲三卿而分晉政故曰三晉

子頃公去

疾立頃公六年周景王崩王子爭立晉六卿平  
王室亂立敬王九年魯季氏逐其君昭公昭公  
居乾侯十一年衛宋使使請晉納魯君季平子  
私賂范獻子獻子受之乃謂晉君曰季氏無罪  
不果入魯君十二年晉之宗家祁奚孫叔嚮子  
相惡於君六卿欲弱公室乃遂以法盡滅其族  
而分其邑爲十縣各令其子爲大夫晉益弱六  
卿皆大十四年頃公卒子定公午立定公十一  
年魯陽虎奔晉趙鞅簡子舍之十二年孔子相

魯十五年趙鞅使邯鄲大夫午不信欲殺午午

與中行寅范吉射親攻趙鞅

索隱曰寅荀偃之孫射音亦范獻子士鞅之子

鞅走保晉陽定公圍晉陽荀櫟韓不信魏侈與

范中行爲仇乃移兵伐范中行范中行反晉君

擊之敗范中行范中行走朝歌保之韓魏爲趙

鞅謝晉君乃赦趙鞅復位二十二年晉敗范中

行氏二子奔齊三十年定公與吳王夫差會黃

池爭長趙鞅時從卒長吳

徐廣曰吳世家說黃池之盟云趙鞅怒將戰吳乃長

晉定公左氏傳云乃先晉人

外傳云吳公先歆晉公次之三十一年齊田常弒其君

簡公而立簡公弟驁爲平公三十三年孔子卒

三十七年定八公卒子出公釐立出公十七年

曰年表云出公立十八年或云二十年

知伯與趙韓魏共分范中行地

以爲邑出公怒告齊魯欲以伐四卿

索隱曰時趙魏韓共滅范

氏及中行氏而分其地猶有智氏與三晉故云四卿

四卿恐遂反攻出公出公

奔齊道死故知伯乃立昭公會孫驕爲晉君是

爲哀公

索隱曰趙系家云驕是爲懿公又年表云出公十八年次哀公忌二年次懿公驕十七年紀年又云

出公二十三年奔楚乃立昭公之孫是爲敬公系本亦云昭公生禮相公子雍生忌忌生懿公驕然晉趙系家及年表並

皆不同何況紀年之說也

哀公大父雍晉昭公少子也號爲戴

子

徐廣曰世本作相子雍注云戴子

戴子生忌忌善知伯早死故知

伯欲盡并晉未敢乃立忌子驕爲君當是時晉

國政皆決知伯晉哀公不得有所制知伯遂有

范中行地最彊哀公四年趙襄子韓康子魏相

子共殺知伯盡并其地索隱曰如年紀之說此乃出公二十二年事十八

年哀公卒子幽公柳立幽公之時晉畏反朝韓

趙魏之君索隱曰畏懼也為衰弱故反朝韓趙魏也宋忠引此注系本而畏字作衰獨有絳

曲沃餘皆入三晉十五年魏文侯初立索隱曰按紀年魏文

侯初立在敬公十八年十八年幽公淫婦人夜竊出邑中盜

殺幽公索隱曰紀年云夫人素贏賊公於高寢之上魏文侯以兵誅晉亂

立幽公子止是為烈公索隱曰系本幽公生烈成公止又年表云魏誅幽公立其弟止

也烈公十九年周威烈王賜趙韓魏皆命為諸

侯二十七年烈公卒子孝公頌立

索隱曰系本云孝公頌放紀年以孝

公爲桓公故韓子有晉相侯

孝公九年魏武侯初立襲邯鄲不

勝而去十七年孝公卒

索隱曰紀年云桓公二十一年趙成侯韓共侯遷桓公於屯

留己後更無晉事

子靜公俱酒立

索隱曰系本云靜公俱

是歲齊威王

元年也靜公二年魏武侯韓哀侯趙敬侯滅晉

後而三分其地

索隱曰紀年云魏武侯以桓公十九年卒韓哀侯趙敬侯並以桓公十五年卒

又趙系家列侯十六年與韓分晉封晉君端氏其後十年肅侯徙晉於屯留不同也

靜公遷爲家

人晉絕不祀

太史公曰晉文公古所謂明君也云居外十九年至困約及即位而行賞尚忘介子推况驕主



乎靈公既弒其後成景致嚴至厲大刻大夫懼  
誅禍作悼公以後日衰六卿專權故君道之御  
其臣下固不易哉

索隱述贊曰

天命叔虞

卒封於唐

桐圭既削

河汾是荒

文侯雖嗣

曲沃日彊

未知本末

祚傾桓莊

獻公昏惑

太子懼殃

重耳致霸

朝周河陽

靈既喪德

厲亦無防

四御侵侮

晉祚遽亡

晉世家第九

史記三十九

史壹萬貳仟貳佰貳拾壹字

註計伍仟柒佰陸拾字

(B)  
610  
1035  
[v.1]  
no.14  
0445145

史記卷九

史記三十九

(B)  
610  
1035  
[v.1]  
no.14